



ル 5
3143
15





門 儿 5  
3143  
卷 15

金石遺文

縣人武 億虛谷纂著

男穆淳愚溪校

韓甲辰太初採輯

宋生璘經幢記

正書在縣南緱氏鎮南門外大宋乾德三年歲次乙丑二月壬寅朔一日

建

宋壽聖禪院卵石塔記

正書在本寺

億

按卵石塔記為僧守節記也守節以碑可見者有

寧邨人俗姓呂氏諸字後題太平興國三年十一月

丁亥八日甲午建立

長而錄志

卷二十八

金石錄下



大宋國洛京河南府緱氏縣太尉鄉缺賈邨修湯王廟碑記鄉貢三禮張宗立撰書并篆額

王昔有天下時遂放桀於南巢使萬國之心咸歸一德始都亳焉在位開三面之羅缺舉善缺能不仁者矣實聖道之廣運美紹陶唐寬宥典刑富豐比屋迺至乾坤肅靜日月貞明八紘播義缺仁山百辟叶賢臣列士彰乎萬代神聖可知順地應天積薪告雨星辰垂祐稼穡及時宵旰之情人物所感是以念桀之暴懷王之恩可台之中乃建祠而祀之至於今也國家尚陳篋篋薦第虧本廟即在偃師縣缺正都之邑也亳自周武

正直富壽萬方屏棄回缺精勤帝道志永者缺靈無不

應注祀者福莫降臨只不惟名著廟堂位極藩鎮則未聞有敢不歸仰之又何況於庶士者哉邑衆初心缺廟

貌缺歲綿缺屢歷風霜缺朽梁摧樹歌缺側遂聞之於上知缺諫議滕公以氣直道諸缺祀特達命筆判缺為

許令復葺於是鄉人尋山刊木歷郡承功不倦掄材資饒剗胤先成巍巍正殿森聳凌空南瞻萬代之龍堂北

三齊之玉廟後缺兩序儼雅非常左連王子之鳳騰雲霄右帶佛國之真身寶塔徘徊缺繪宛若神功計三



十餘間級缺知縣郎中聆諸喜懌再三謂同寮曰此蓋

是域中人主天下虛祠位近皇都嚴持紫禁無缺四時

列鳳竹鸞絲奏陳上利見萬戶備缺仰謝深恩缺夫金

棗缺澗灩清流登豐黍稷玉華之峰巒蒼翠缺是月也

奇巧言功暫來告畢缺宿恐缺盛事缺記斯文宗立永

禮請時多缺暇慚無所見謬缺然幸望賢能恕存實錄

鐫題永固已俟長年時大中祥符九年丙辰歲七月癸卯朔二十日壬戌建立碑記

億按題太尉鄉政後漢書龐參字仲達緱氏人官太

尉今此碑所指太尉鄉由仲達名也仲達為漢賢輔

故世人重之以其歷官名鄉亦如北海高密之有鄭

公繼然他誌文皆不見獨附於此是可舉以資考也

又撰書者為鄉貢三禮張宗立案宋史選舉志科曰

內有三禮碑題銜與史符蓋宋士人以本科應舉雖

未及第猶得自書其銜如此碑下題名內又有單書

三禮某人者則為習此業應舉之人耳

宋永定陵修奉採石記缺州水陸計缺運使朝缺尚書

林郎守河南府緱氏縣主簿管句採取般運缺山缺石缺樂輔國撰

若乃土圭定國卜洛缺二宅之雄地鎮秉靈維嵩冠五

岳之首風雨之所會陰陽之所和居然得天地之心綽

爾是皇王之宅周漢已降實曰名都我國家運缺隆興



創業垂統削平多壘奄宅中缺邑長百萬之師城闕有  
億兆之衆相水陸五達之要缺漕運萬計之饒所以控  
淮汴之上游爲都畿之勝地比之全盛又絕擬倫伏自  
太祖太宗應順天人追尊祖禰欽崇懿號遷奉寢園乃  
於定鼎之都以缺藏金之地爰從吉兆缺建宏規協舉  
孝思高邁五陵之制恭承道蔭聿鍾萬世之基大行皇  
帝祇缺璿圖恢融寶命啟迪缺逢迎粹和紹二聖之令  
猷超九皇之懿範睿文冠古窮經天緯地之源神武膺  
期成撥亂反正之業仁以守位孝以奉先四時固絕於  
政遊七廟彌敦乎恪謹爰自君臨兆庶德服華夷運神  
於邊荒執利器於掌握四夷仰叙不施烽燧之輝百  
姓乂安不識軍旅之事綿延怙泰盛節交修翠嶽泥金  
聿舉增高之典神雕奠璧復施益厚之缺以至延欵馭  
於寰清授珎符於秘殿奉缺夷之誨昭示仙源瞻粹穆  
之容延昌寶祚顯道宗之積累則幸景毫以朝真荅缺  
帝之貽謀則欵陽缺而薦號顧能事之畢舉缺宸念而  
增虔吁缺萬機焦勞庶務六一丹就百靈無缺鼎之緣  
二十功成缺后缺攀缺髯之歎莫不哀纏聖嗣痛結宮  
闈六龍未達於杳冥四海遽聞於過密倏臨遠日爰上  
缺瀍澗之濱缺蒼梧之野缺集事豈缺入缺命威塞軍



節度使侍衛親軍步軍副都指揮使夏公守恩充修奉  
部署左騏驎使忠州防禦使入內都知藍公繼宗充修  
奉鈐轄二公荷先朝拔擢之恩副當宁選掄之寄同心  
戮力夙夜在公仗鉞而來得以便宜從事募諸道兵士  
工匠來赴力缺表請文武官僚使命分掌其事雖欽承  
治命以儉約而處先而遵法古儀在堅固以為事計用  
安砌皇堂石二萬七千三百七十七段門石一十四侍  
從人物象馬之狀六十二凡有名山悉皆尋訪緱氏縣  
南有粟子嶺者蓋少室之西山萬安之東嶺也多產巨  
石巖稜溫潤罕與為比輔國忝居麾下仍屬提封首奉  
司計置還以益贖為乃命中貴內殿崇班李知  
常左侍禁李丕遠與輔國同辦其事部領工匠四千六  
百缺峭峻不缺行路杳絕居民固無井泉以充日用汲  
引甚遠飲歎或愆士民之心方增勞止忽有石泉一眼  
湧出并巖谷中有清泉一派臨於山址其源深而流長  
缺味甘而且美缺而至缺雲缺熬熬之心不勝其樂倘  
非一人之孝感二公之至誠不能致也拜井水湧缺止  
於耿恭刺山泉飛靡專於李廣挺生傑出何代無人此  
山舊有神祠綿歷時歲棟宇摧壞且基址具存因與同  
僚議其完葺揆諸材瓦假力餘工曾未浹旬儼然新廟



莫其降福以庇茲民復有靈虵出爲瑞應其色皎潔其狀蜿蜒爰有飛章達於天聽特詔中使頒睿旨賁名香率道流二十人建靈場三晝夜并設清醮以答神貺而又缺宣宸慈撫恤士伍餌以醫藥賚以物帛群情感激罔不盡心每梯霞躡雲缺崖抱棧若履平地咸欲先登鐫琢之聲聞數百里凡所攻採應手而得缺今所出如同影響船輦相繼有若風雷而未及前期厥數大備自暮春之令序逮獻裘之屆辰以缺繫時其功就畢洎乎充用抑有羨餘輔國缺處下缺叨預陳力缺觀事實仍仰徽猷秉筆直書辭亦無愧至於崇奉陵域種植松楸

嚴肅威儀秘邃宮闕規模宏壯制度久長亦一帥之幹

思諸君之協葺固不可缺而備言也聊書採石一時之

事乃萬缺之一二矣時乾興元年八月十日記左侍禁

提舉山陵逐程排頓及缺遞鋪管勾採取般運石段李

丕遠書及刻字內殿崇班提舉山陵逐程排頓及缺遞

鋪管勾採取般運石段李知常山陵修奉鈐稭左騏驎

使忠州防禦使入內內侍省都知勾當皇城司缺隨駕

缺藍繼宗山陵修奉部署侍衛親軍步軍副都指揮使

威塞軍節度使夏守恩

億按碑漫漶尋其可與史證者惟藍繼宗見禮志志



云山陵按行使藍繼宗言據司天監定永安縣東北六里曰卧龍岡堪充山陵今碑云繼宗充修奉部署又云山陵修奉鈐轄以見繼宗必初為按行而後又充修奉史文或不備附於此見之也職官志使職兼領者親祀南郊則有大禮禮儀鹵簿橋道頓遞五使籍田泰山封禪汾陰奉祀恭上寶冊南郊恭謝皆如之案橋道頓遞使當太祖崩而太宗時尹開封固嘗任之尋又兼領五使則志於大喪充使職者亦當列之志內然竟未收入何與豈以國恤諱而不書與記所載李丕遠李知常並有提舉山陵逐程排頓及馬

遺鋪等職蓋亦頓遞使之遺也故著之以補史闕

謝絳重修昇仙太子大殿記

正書在緱山仙君廟朝奉郎度支員外郎直集賢院

同判河南府輕車都尉謝絳撰將仕郎守河南府右軍巡判官王顧篆額豫章僧智成書

夫大道希微而不可詰者尸萬化之育而歸於自然上帝杳冥而所以尊者宅太虛之奧而蘊於無迹有生御辦裁如委蛻列真炳靈歟若脫屣是皆籍在仙品格於殊鄉茫乎邈焉未易究極者矣昇仙太子參華帝胄遺榮少海注瑟對瞑臣之問挹袂接浮邱之游去龍樓於震宮作鳳吹於洛曲三年上賓於帝所七日舉手於雲阿陞右弼於玉晨職金庭於桐柏丹符素券親受紫陽



空洞靈音迭歌曲遺俗疑慕逃聞吸日之謠故山橫  
絕綽有順風之拜因是標槩作爲叢祠光塵藹如區處  
增盛唐天后聖歷中親製紀勒石設置守衛厥後靡易  
基兆再新觀宇年齋寢遠壞梁不支殿屋之餘鞠爲宿  
莽初天聖四年今西都分憲趙公以祠部郎中治園邑  
也會出境上卽歛廟庭念高構之衰乘民政之隙謀作  
大壯以舍真像公首捐資用及率額里人呂仲簡等相  
與欣助聿來營之粵自伴圖迄於役罷男無亟夫家不  
勞饋地爽缺雲蔚爲福庭重階叢楹茲焉落成山月林  
風徘徊有待雲璈玉簫盼蠶如接睟容淵穆而森儼缺  
泯軒臺西向而可畏岸谷相變靈光巍然而獨存而與  
夫姑射仙人能飲露建安舊壤州名墜馬者比美焉  
以余稔聞興茸悠逸歲月見咨撰述不獲讓焉明道二  
年六月一日記中奉大夫太常寺少卿權西京留司御  
史臺土柱國天水縣開國男食邑三百戶賜紫金魚袋  
趙世長建孫將仕郎守河南府永安縣尉垂佑同立助  
緣人進士缺拱學究趙靜董正馬驤教練使呂若冲姪  
仲宣勾當人馮遂

億按碑記西京留司御史臺趙世長首捐資用重營



殿宇也首列朝奉郎尚書度支員外郎直集賢院同判河南府輕車都尉謝絳撰絳見宋史本傳云會修國史以絳為編修官史成遷祠部員外郎直集賢院又云因請便養通判河南府案碑所謂同判河南府是其時也但碑以尚書度支而史作祠部宜以碑為正至篆額為王顧顧於史無傳今可見者將仕郎守河南府右軍巡判官職官志軍巡判官無左右之文錄此以補史所未備歐陽集有河南府司錄張君墓表云得金谷古塼命太原王顧以丹為隸書今篆額者亦即其人則篆隸顧蓋兼之矣古人材而且藝蓋

足寶也表言

道二年八月王顧既為之

書塼納壙而篆額亦以是年六月必與希深同居幕府也希深以文學知名余觀碑所記禱於神仙方士家言蓋不稱其體製余故不具論碑陰宣和己亥題名一右側元符庚辰題名一紹聖元年題名一左側元祐庚午題名一

大宋新修會聖宮碑銘

正書翰林學士金紫光祿大夫

當三班院上柱國樂陵郡開國侯食邑一千二百戶臣石中立奉勅撰翰林待詔御書院祗候臣李孝章奉勅篆額

臣聞宅萬邦而垂統者帝王之不業也故奉先之道崇



其孝而為大亘百世而流光者祖宗之懿德也故錫美

之慶石本缺炳其耀而彌顯成周之下惟洛祀石本作

祀石本依驗風雨於神樞炎劉石本缺之祚石本作我上

京遊衣冠於高寢蓋以欽其世列奠厥靈居履霜露以

沾裳聿凝宸感列粉榆而設石本社爰考國章非夫

奕垂休無以襲巍巍之盛吉蠲致饗無以表烝烝之思

寶系有開皇眷攸屬我國家應五運之會接三神之歡

炎上騰精赫淳耀而斯渥靈長啟祚濬洪源而莫紀太

祖延受休命恭膺正統下民欣或洽謳歌而有歸協氣

流偉符瑞之交薦一戎而大定總萬化石本

世德恢至治之具聲明震疊紀律昭宣嘉靖庶邦以攬

乎乾綱之要欽承天命石本作以建乎中和之極舜

舞羽而遐裔來格義圖畫象而斯文曲備德崇富有

字至富有字業臻太平真宗紹慶石本丕基憲章邃古

重華協帝天啟於神謨濬哲維商日躋於聖敬石本宅

羣萌於醴粹納百揆於雍和展采芹石本作介即今本

以答清寧之此句石缺鳴鸞景亳以揚希濶之儀微

胡瑣而不曠光有容而必照卓越之度不可稱已皇上

財成景化祇適先猷蘊清明而在躬守慈儉石本以為

夏而祭志

金石錄下



質石本御六氣之辨統石本和於天人躬千畝之耕憂

勤於稼穡二字石本嚮明成南面之治下令如流水之源

欽恤庶刑以徹乎脂綱之密詢求多士以來乎骨鯁之

議黃金玉以垂度一文軫以同石本風德洞淪冥信周

翔洽石本興廉舉孝所以炳乎二字石本邦光繼好息

三字石本民所以厚於時聘夫贊揚迪四字石本哲至道也

陛下能行之虔恭勞謙聖則也陛下能守之滋液之休

披圖而可見幅員之廣闢繼以維明其居也靜而淵其

動也博而利域石本躋壽而胥悅家懷讓而敦勸三

石本順考古道欽奉天經眷三川之舊都乃列聖之

七十三測景契陰陽之和文龜負圖開聖明之奧水繹

繹以凝奧氣葱蔥而發祥北域有巖封樹相望三后在

天而垂貺萬靈五字石本護野以兆石本休陟配於京既

崇其規格因山為體自成於宏厥分繚垣而屹立植雙

表以齊平折衷其宜高視前世以為墳衛之禁素舉於

彙章蘋藻之奠未廣於寅奉謹按地誌訾玉山者冠於

諸阜僉曰隩區協太史之明占石本錫鳳臺而紀號前

瞻少室偉靈異之所躔却負太行邈穹旻之設險控川

陸之兼會介周鄭之通衢嵩顏豁以中開溪聲浩其雙

接自天聖八年孟春之初首石本議胥宇俯壽原之爽

慶而縣志 卷二十八 金石錄下



堦擬闕石本宮之靚深揆緯裁基以程乎豐約審曲而

勢以極乎經營人以悅來匠以心競林衡潺水石本作

文裡綺柏之質山積而登用大壯取象上棟下宇之飾

翬飛而增麗餐餘霞於鏤窠歷倒景於層梁二字石本

石本庭砥平界道繩直礱他山之石以岩四字石本於交

楯節睢陽之杵以峻於頽棚石本據寶勢之凌競邇初

陵之岑寂圓淵綺煥翔鷗仰而弗逮重椽櫛比尺蠖動

而成響翼長廊之四姓石本旅萬楹而有閑輪焉與焉

百堵石本之詠去泰去甚振三代之規章程明密而神

迷其方登降照爛而目眩其際不愆於素罔或告勞越

石本乃降溫詔命曰會聖揭諸銀榜石本煥在璇題保

天祚於寢石本昌旌神功於不朽爰石本是宏開秘殿

儼設睟容珠幄煩黃藻旒晡藹鼎峙而分聖位玉溫而

聳天暉想臺臺穆穆之風尊嚴可象仰顛顛叩叩之德

表則斯存率拱侍於勲臣灼為儀於近列其中則珠堂

天遠瓊壁環周絢妙繪以交施象內朝之有肅銀鐙左

貂給事殿省之列旅陳於外璧臺金屋充選掖廷之綴

序分乎內銜鈴石本樹組石本焜耀蔽日之旌鵷列於

前刻羽流商石本焜耀蔽日三句石本無此據文以外

石本焜耀蔽日三句石本無此據文以外

煥師縣志 卷二十八 金石錄下



天之奏與銜組樹羽義更不屬舊志本當可激越鈞天

據但未審李孝章奉勅書何為踈漏至此

之奏鱗集石本於後百司具備五彩咸彰正爵辨儀趨

翔而中節隨行象頌一字石炳煥以揚輝落成之日特

遣使以奉安之昭殊禮也復陳法醮旋建石本清場延

駕筵石本之高真集屏塵之土土金仙羽禡凌汗漫以

交舒紫極靈章叩清明而上達仍開宮五日許士庶朝

謁衣纓雜襲綺組繽紛石本振作倚裳連襪以並趨蹈德詠

仁而胥樂表裏悅穆室家相慶繁縟之三字石典煥乎

維石本新每星驛展輪天機促駕或銜如絲之旨或被

追鋒之召旆悠悠而照野人憧憧而假途咸造於庭以

於臣禮者在令甲石本作垂為景猷揚世廟之威神示

朝宗之軌範命中使總蒞其官閤闕有程督奮無曠仍

即其東南之地特崇其象設之居寶色煥乎焜煌禪林

美乎縈映霓軒雲閣隆九似於鹿園夕二字石梵晨鐘

交二音於鷲嶺曲池涵功德之水二字石眾果散清涼

之陰二字石勝侶狎臻法筵大啟廣宣妙諦以扇一極

之風格奉真游以濟三乘之轍四字石本之資給豐矣

百福之莊嚴備矣若乃寒暑易候寅昏警時陳植一字

壁之多儀展祈禱之精意仙縵石本交發將崖石本

偃師縣志 卷二十八 金石錄下 三



谷以共清嬰香馥芬與煙雲而競合渺石本海聚之無

量期道濟於不窮神其格思化感無外此乃陛下事追

來孝翁受敷施濬發睿心以石本多於字加於百姓資

威景命以石本多於字奉於十倫宜乎純嘏來同不應

紹至需殊休之汪濊洽靈寢之鴻平丹羽巢阿綸紛而

表慶仙衣拂石延懋以齊榮永底蒸民之生茂揚盛德

之事者矣臣職塵局禁學昧縑細躡石本影丹帷曷承

答於清問褒功鏤石本石莫攄發於英詞仰被俞音內

增惕慮敢揚懿範庶示方來銘曰

炎靈起運赤符呈祥造我區夏揚其烈光真系有屬鴻

機事昌緹軸作油茵藹瓜瓞綿長於鏤三后繼天作聖

不冒生民紹聞明命則堯為大與黃比盛九服咸歸萬

景攸正我皇嗣統化格澤石本淳照漢石本雲章石本

獨運陶鈞禹不自暇石本湯維又新漏泉疏渥弛罟推

仁奉若先猷崇茲孝志在祀彌恤因心罔匱對越清廟

備成福事孺慕興懷時思展義乃眷洛土二字石本實

惟帝都壽陵高敞拱木紛敷風樹不止春露既濡必崇

胥宇永奠靈區爰建清宮俯臨劇縣率見昭考以時致

薦列堵若星揮斤軼電凹凸凝采丹青點絢雲屋天構

陽榮霧披以安靈展以奉仙祺垂旒寫照澤玉含姿克

偃師縣志 卷二十八 金石錄下 七



昌厥後永言孝思傍啟梵庭廣營佛寶禪慧攸集土木  
兼造球石本幡映日金繩介道讚頌交誦一字石薰修

致禱惟祖德兮詒謀惟帝心兮荷休誠優肅之所感期  
戩穀以來求經始勿亟兮卜茲寶勢告厥成功兮靡逾

間歲壯崇址兮控山川佐石本丕圖兮垂億綿石本景

祐元年歲次甲戌九月丁亥朔十三日己亥建中書省

御書院祿侯臣入內內侍省內侍高班勾當會聖宮同  
監修碑樓臣楊承政缺入內內侍省內西頭供奉宮監  
修碑樓權勾當會聖宮臣肖繼元禮賓副使  
勾當御藥院提點管勾會聖宮臣任承亮

金石攷景祐元年呂仲元撰志載元祐九年建宋臣  
石中立撰文或係重修為文以記

善鑑按歐陽公有會聖宮頌未見石刻現有會聖宮

碑乃景祐元年石中立撰李孝章書金石攷以為呂

仲元撰不知何據縣志以為元祐九年亦誤

億按玉海天聖八年正月辛巳詔內臣張懷恩於永

安縣警王山上建三聖宮漢原廟九年二月宮成甲

辰以為會聖宮三月甲寅奉安三聖御容改警王山

為鳳臺山今碑所謂警王山首冠諸阜僉曰隩區協

太史之明占錫鳳臺而紀號即此事也史文于改由

至碑云自天聖八年孟春之初首議胥宇下云越明

年閏十月十有五日宮成宋史仁宗本記八年春正



月辛巳作會聖宮於西京永安縣與玉海同至云三月甲寅奉安太祖太宗真宗御容于會聖宮則脫書九年矣今碑文所載越明年閏十月十有五日宮成下云宏開秘殿儼設辟容則在九年十月與玉海記九年三月者月則迥殊而言八年三月奉安御容者又差隔一年則更誤也會要云閏十一月十五日宮成遣三司使晏殊迎三聖畫像奉安攷是年十一月不置閏會要當于大字下衍一字其餘皆同此碑碑當時所書必非舛誤宜依碑為正

宋重修泗洲大聖殿碑記行書在壽聖寺碑陰

檢按碑字過漫漶唯後有大宋天聖六年歲次戊辰

三月又列慶歷四年二月蓋記文與立石非一時也

宋重修仙鶴觀記正書在縣南緱氏鎮西仙鶴觀前進士王夷仲撰

老之法要其所歸惟清靜寂滅全自然之性不以外

物縻於中者也缺老之法也遷史叙老子缺又傳記有

說老子缺域而始缺者所缺其書相出入缺雖異而其

歸一也其法缺于漢募於晉魏梁隋之間後之欲缺道

之相勝也則缺者必忌於老老者必疾於缺迭攻交毀

岐而二焉然佛之宮遍處天下竦然相望鮮華偉壯莫

之缺加其徒豐衣旨食凡中夏四民之缺傾奉之心兼



慊然患不能穹隆極侈以充其志也老之居唯通都大邑缺一二垣頽屋敗僅有存者其徒常汲汲於缺間且

猶不克自資於溫飽也嗚乎彼何盛而此何衰耶豈

之者能恢張其說謂極天之上而上際地之下而下洎

人之死生去來貴賤壽夭凡生人之大惡欲莫不畢出

於缺而主之焉是以鼓動群衆使趨向之如走號令雖

四海九州之外莫不一其心也老之法有羽化久視毆

役鬼神移變星文之休咎缺於禴禘厭伏之事英雄偉

人苟奉而有之豈少哉蓋缺者衆而老者寡缺之人隨

時趨舍向於彼而忽於此也故缺治老之宮者非奉道

信之士不可成已緱氏縣前記有周靈太子缺控鶴

昇仙之事故城東三里有仙鶴觀者得號於李唐間年

祀宸遠屋址因廢慶歷中里中之樂善者凡數十人相

與歎曰是觀且廢今不能復之則何以使瞻仰信奉以

漸於善乎乃卜地得縣署之東缺裁百步狀於縣大夫

冀君缺為請命於府曰可得道士左慶之清苦者也使

居且缺年觀之門墻殿宇缺慶之一缺造吾缺為是觀

也用非缺於民而積丐其微缺足其須役非缺而作蓋

即舊號而起其廢功非逾乎制而裁能庇其像請文勒

石以章興修之志於後余謂蠹於民擅於役逾於制者



皆過也今無一焉惡得不爲之書乎哉大宋皇祐二年九月乙酉記將仕郎守河南府緱氏縣尉張昭夔將仕郎守河南府緱氏縣主簿劉丕右班殿直監西京緱氏縣鹽酒稅孟延亨書并篆額奉缺虞部員外郎知河南府緱氏縣事上輕車都尉賜緋魚袋路綸觀主賜紫左慶之立石

億按宋史言宋初內外所授官名非本職唯以差遣爲資歷建隆四年詔選朝士分治劇邑大理正奚嶼知館陶監察御史王祐知魏楊應夢知永濟屯田員外于繼徽知臨清常參官宰縣自此始日知錄引又于慎

千戶以下選京官知故知縣與縣令不同以京朝官之銜知某縣事非外吏也然則今碑題銜虞部員外郎知河南府緱氏縣事正以朝官爲之蓋緱氏於宋爲畿縣其地繁劇故知縣事者每重其人也

宋重修仙鶴觀實錄武威安道卿正書

緱氏縣郭下燈油醮社故比部郎中孫劉荀等經縣陳狀請到東京上清宮賜紫道士左慶之克缺焚修住持開排施主如後郭下安中素捨施地基二十八畝三分係正稅絹七尺外別無青苗稅數亦無官私地課郭下



女弟子董氏獨辦修蓋正殿一坐郭下女弟子閻氏獨辦塑老君并部從等郭下韓宗正施造老君博坐一所郭下王居安自辦材木修道堂一坐郭下田又裝土地里域真官兼造堂一所左慶之與醮社等同共修真武殿一坐并門樓了當此仙鶴觀元在縣東三里已來年代深遠倒塌荒廢至大宋慶歷六年三月中依本縣圖經內名額重修皇祐二年庚寅歲九月乙酉建

億按宋史王安石傳及食貨志青苗法自安石始立在神宗時今碑陰記云施地基二十八畝三分係正稅絹七尺外別無青苗稅數碑之建當仁宗皇祐二

年已有此做法疑不可曉也或未變法以前稞稅內

已立青苗名目安石因倣而行之輸歛倍甚民始重困耳然則青苗名稅所起久矣又碑言燈油醮社今鄉人猶於諸寺廟供燈立社亦其遺俗也

宋崇信軍節度副使尹公墓表

佚

金石攷至和元年韓琦撰

宋賜陳繹飛白書碑記

正書在縣西南依麓寨招福寺

臣克友人陳繹喪其母居於穰氏之野間使人來告曰繹不幸少孤今年春老母以天年終京師歸葬於此未幾而先皇帝棄群臣遺制之來斬焉在衰經之中無籍



以通不得與於朝脯之臨招福寺昭陵復土不得列於  
同軌之末拊心自悼開則抱賜書以泣賜書者嘉祐八  
年正月先皇帝遣中使所賜御飛白字也其下寶畫存  
焉泣已則又私自念君賜如是雖巾箱之秘神明所護  
非鏤金石不足以久貧無以家唯先墓之廬有置錐焉  
將刊諸琬琰爲不朽之觀俾千萬年子孫實寵嘉之較  
之夸鄉人以組負遺弓而號者不猶愈哉子狀吾意臣  
辭讓不得命因應曰善恭惟先皇帝之德在臣民在草  
木在鳥獸其遺風餘烈在史官在宗廟器在曼世之傳  
其在筆墨文字者特其土苴緒餘雖然聽政之隙不用

能與此哉陳繹河南人少取進士第有名聲於朝而善  
爲文其拜賜也方爲秘書丞集賢校理觀其意可知其  
人時嘉祐八年冬十一月十日京西諸州水陸計度轉  
運使兼制置本路營田勸農使朝奉郎尙書兵部員外  
郎充集賢校理輕車都尉賜緋魚袋借紫臣吳充謹記  
并書丹朝奉郎守殿中丞知河南府緱氏縣事騎都尉  
臣陳知和題額

億按宋仁宗賜陳繹飛白帝字以充所記賜在嘉祐  
八年正月其刻在是年十一月蓋仁宗已升遐而繹



追感立石于招福寺者也按大蘇集仁宗皇帝御飛白  
記爲王誨作亦以其父舉正慶歷中所賜端敏二字  
刻石而傳之然則當時宸翰所頒爲世秘寶久矣飛  
白字自唐以下余所收及者僅此是又可珍也吳充  
題銜京西諸州水陸計度轉運使兼制置本路營田  
勸農使朝奉郎尚書兵部員外郎充集賢校理輕車  
都尉賜緋魚袋借紫証之宋史本傳惟云歷知陝州  
京西淮南河東轉運使亦太闕畧宜互証於此碑也  
又輿服志太宗太平興國二年詔朝官出知節鎮及  
轉運使副衣緋綠者並借紫今銜名借紫之名由此

宋史陳繹傳繹開封人攷充所記乃云河南人又云  
繹喪其母居於緱氏之野緱氏地亦近河南或上世  
占籍開封而繹現居河南充故以此書之宜有據也  
繹本傳爲館閣校勘集賢校理刊定前漢書居母喪  
詔卽家雉校今碑云爲秘書丞集賢校理正相符

宋勅賜壽聖禪院額碑

正書在  
本寺

河南府奏准勅應今日以前諸處無名額寺院宮觀  
蓋及三十間已上見有功德佛像者委州縣檢勘保明  
聞奏特與存留係悵拘管仍並以壽聖爲額有項一十  
三縣各申有無名額寺院見有蓋到舍屋下有功德佛



像各有僧缺住持遂委官躬親點檢到見在殿宇廊舍各及三十間已上並依降勅目前蓋到縣司官吏各保明委是缺如後異同甘俟朝典本府尋委遂縣巡檢依此點檢今據遂縣巡檢申點檢到見在間楹結罪保明開坐如後本府官吏保明委是實如後異同甘俟朝典伏候勅旨伊陽縣高都村洞子院一所舍屋共五十間永安縣橋西村義井院一所舍屋共三十二間韋蓆村明教院一所舍屋共四十間偃師縣泗州院一所舍屋共三十五間壽安縣郭下文殊院一所舍屋共五十二間密縣邢谷村影堂院一所舍屋共三十一間邢谷村義井院一所舍屋共三十一間張固村院子一所舍屋共三十三間張固村院子一所舍屋共三十一間謝村院子一所舍屋共三十三間福昌縣鍾王村賈谷塔院一所舍屋共七十一間永寧縣缺村安寶龍泉院子一所舍屋共四十三間河清縣南王村院子一所舍屋共三十三間澗池縣千秋店東禪院一所舍屋共三十五間北班村塔院一所舍屋共三十一間姚村慶空禪院一所舍屋共三十二間萬受村金和尚院一所舍屋共三十二間存留天王院一所舍屋共一百間伊闕縣中費村寺一所舍屋共



三十二間河南縣平華村寺一所舍屋共三十三間宮  
南村寺一所舍屋共三十三間緱氏縣蔣村寺一所舍  
屋共三十間永寧縣西土村鐵佛寺一所舍屋共三十  
八間河清縣長泉村廣化寺一所舍屋共三十三間宜  
並特賜壽聖寺爲額牒奉勅如前宜令河南府讞錄勅  
黃降付遂寺院依今來勅命所定名額牒至准勅故牒  
熙寧元年二月  
二十八日牒

給事中叅知政事唐 右諫議大夫叅知政事趙

起復戶部尙書叅知政事張 左僕射兼門下平章事

偃師縣帖壽聖院准河南府帖准勅節文爲伊陽等一  
十三縣有無名額寺院並賜壽聖院爲額數內偃師縣

右具如前當縣今讞錄到勅黃一道頭連在前事須  
付本院准此照會熙寧元年四月初三日帖將仕郎

偃師縣尉兼主簿事張尙書屯田員外郎知偃師縣事劉  
熙寧二年歲次己酉五月  
二日院主丘遇仙立石

億按牒云伊陽等一十三縣有無名額寺院並賜壽  
聖院爲額蓋依河南府奏准而首以伊陽冠十三縣  
之上與宋史地理志次置不合又後列給事中叅知  
政事唐則指唐介而傳不詳爲給事中起復戶部尙  
書叅知政事張則指張方平面傳不言爲戶部尙書  
亦不列起復凡此皆史缺也下列右諫議大夫叅知  
政事趙蓋卽趙抃而並行更列左僕射兼門下平章



事僅題一空銜雖姓氏亦不書老學菴筆記舊制丞相署勅皆著姓官至僕射則去姓元豐新制以僕射為相故皆不著姓今此牒所署左僕射兼門下平章事蓋在熙寧已與元豐新制合

宋粟子山運石題名碑

正書在縣南永慶寺大殿東壁上龕置

楊世長李希呂昭

缺

邢綬馮建康宣趙洗侯威劉亨崔

遵蘭育徐京馮規同修奉神宗皇帝山陵韓兵粟子山般運石段常由是邑元豐八年七月既望謹題記歲月億按奉修神宗山陵諸臣題名自楊世長而下凡十三人官爵史無可考蓋皆小臣奉使者故不具書

缺

少當高洛大遠之衝有亭翼然枕達北垠者居人行

商四時望祭之所也亭北五步抵其廟廟有三門

缺廉

陛有階齋庖有次其立屋以楹計凡一百三十有五其

闢地以步計之東西凡五十南北凡七

缺

之外內有老

木幾三百本皆槐栢梧桐大者七圍八圍小者三圍四

圍含蓄掩映望之靄然其氣象

缺

熙寧五年以迄于今

為議者所私廢而為鎮農商之人咸病之廬里蕭然非

復曩時矣而獨是祠

缺

城往往不能有也先是周廣順

中李進者肇創其地至

缺

國朝祥符中孫信者天聖中



孫缺既久瓦木腐毀階庀頽缺不足以媚神妥靈民之  
有力者議欲重修久矣而常患於吝且誣故缺三年里  
人王守福始倡而成之稚耄協力不驅而從由是腐毀  
者更新頽缺者復完塑繪之缺經始於四月之癸卯而  
成於十一月之壬申既又撰日率其鄉老大具肴酒有  
事於祠下缺之自天子之命吏與公卿大夫士庶人之  
子弟戴白之叟垂髫之童無貴賤缺郎臨蒞其邑乃顧  
余而言曰守福之爲此宇不亦勤乎此士之人蒙神之  
休而不忘其缺吾人去舊卽新變呻爲謠相與燕休于  
茲也不亦嘉乎予其爲記之庶幾後之人有缺然古者

而德鉅有益於斯民缺社稷之祭偕而况缺之右在缺  
則有司存蓋其所尸特以興雲雨致禍福代天治人無  
所不統爲事大可謂缺甚異於衆人也惟其不吝且誣  
篤於誠心故能刻意經營以起數十年之廢缺不懈豈  
非有志於善者與夫人苟有志於爲善也則凡此士之  
人爲人缺父母爲人之兄者不可不友於其弟而其弟  
不可不敬於其兄爲人之缺以至於爲兵爲農爲工爲  
商爲老爲佛者不可以肅以勤精以儉缺而已也哉余  
曰然則是可書也於是乎書元祐三年閏十二月一日



缺  
南樂份書并篆額

億按碑上截已殘剥然所云立屋以楹計之凡一百三十有五蓋當時營建之盛可見如此又云熙寧五年以迄於今為議者所私廢而為鎮農商之人咸病之攷宋史地理志偃師熙寧五年省入緱氏八年復置省緱氏縣為鎮隸焉元豐九城志同是史志並以為在八年省緱氏今依碑証之殆于五年已廢而為鎮則史志悉傳誤也碑在今緱氏鎮其叙緱氏縣廢始末之詳并及於廬里蕭然由撰記者所目擊故宋之縣城使後世猶得以知在斯地為可據也

名已缺唯書者樂份字存

後唐雅上人舍利塔記

正書在永慶寺

舍利塔舊在外門西偏溝之南墻雜於民居宋元祐六年昭詮始來緱氏遂移於大殿後上人事蹟已見比邱仁兩記此不復叙十二月二十四日寶巖院主賜紫昭詮謹題元祐七年歲次壬申正月一日建

宋宣仁聖烈皇后山陵採石之記

正書在永慶寺

河南緱氏鎮之西南二十餘里有山嶺最高形如委粟俗號粟子嶺嶺之東北下有廟榜曰山神載在祀典而不知是山何名歷詢故老莫知其實按東漢和帝紀稱



永元十六年十一月己丑行幸緱氏登百岷山注云卽  
栢岷山也在洛州緱氏縣南又今緱氏之南二十里山  
名栢崖以此考之則栗子嶺諸山卽昔日所謂百岷者  
也本朝列聖及母后登遐例遣官採石於山下崇奉陵  
寢自乾興元年以來始有碑刻可考宣仁聖烈皇后以  
元祐癸酉九月三日戊寅上僊太史奏請以來歲三月  
七日山陵復土詔以丞相呂公爲之使安持受命與如  
京使林元莊宅副使麥文炳同董役於緱山卽以其月  
癸卯開山凡取巨細石一萬有畸而訖於十一月之壬  
午四十日而功畢用石匠二千九百七十四人按故事  
爲工十六萬五千二十有六當用四千人期以兩月而  
京師匠者十無一二餘悉取於諸路議者患其回遠不  
能以時至蓋開山之日始有來者三百六十四人而已  
至十月四日纔得一千二百九十九人逮逾月然後及  
二千九百七十四人止以是數又十日而訖事餘悉遣  
之所省八萬九十九功前此工不集上下憂之乃募作  
者能倍功卽償之優給其直於是人情忻然罔不悉心  
不待有司苦戒程督竭日力而後止故無逃者晨起爲  
糜粥煮藥時其食飲而嚴禁其攘竊架竹引泉使無渴  
饑故少病者爲密室南向以就天陽有病則遣官挾太



醫彫視相屬于途不謹則嚴其罰故眇死者蓋自癸卯  
至壬午吏民兵匠母慮五千餘人而無一人逃者以疾  
斃者三人而已橫逆者無有也噫何其幸也凡此數者  
皆朝廷授以成法故有司得以奉行而又數下恩詔加  
賜吏士蓋無虛月所以戒勅愛養無所不至是宜和氣  
浹洽人不告勞方盛冬之時天氣晏溫雨雪不降以訖  
大事有以見天人相應昭示聖心純孝傳諸母窮之意  
下臣始謹職事以紀歲月云其餘佐吏具列于別石十  
一月九日左朝請郎試太僕卿兼權都水使者都大提  
舉採石吳安持謹記

大將楊仲卿書前錄  
字冊官王永昌刻

億採碑在寺後殿之西宋吳安持都大提舉採石于

當時職事歲月詳記其顛末如此宣仁聖烈皇后上  
仙記云詔以丞相呂公爲之使宋史哲宗本紀九月  
甲申命呂大防爲山陵使是也禮志云四月一日葬  
永厚陵紀云二月乙酉葬宣仁聖烈皇后于永厚陵  
案之此記宣仁聖烈皇后以元祐癸酉九月三日戊  
寅上仙太史奏請以來歲二月七日山陵復土然則  
紀爲得實而如志所書四月蓋必其誣也記後云數  
下恩詔加賜吏士蓋無虛日據紀十一月壬寅賜勞  
修奉山陵兵士與此所記合然記亦有虛崇過爲無



實之詞攷是年冬十一月以雪寒賑京城民饑自偃  
師抵東京計里三百五十有餘不應節候頓異若以  
記所謂盛冬之時天氣晏溫雨雪不降則其然豈其  
然乎記又云佐吏具列于別石今沒不可見

宋永泰陵採石記

正書在永慶寺

大行哲宗皇帝以今年正月十二日巳卯奄棄萬國朝  
廷循故事遣官採石修奉陵寢孝廣被詔同文思使羅  
允和宮苑副使帶御器械麥文駒實董其事凡辟文武  
官朝請郎孫熙以次及部役等二十有六員以二月十  
日丁未開山至五月十一日丁丑畢功取大小石二萬

七千六百有餘視元豐八年蓋增多五千二百七十有

二焉凡役兵匠九千七百四十有四取石旣夥懼役兵  
疲困而兵不時集復請募近縣夫五百俾悉挽巨石以  
訖其事然屬運寒氣癘自京都逮於四方人多疾疫而  
况大山深谷之間嵐霧蒸鬱朝暮衝冒病者宜甚於是  
時其藥食至覆籍之具無一不備仍分處太醫各俾診  
治日且躬行巡視由是病者千七百餘人而不可治而  
死者亦百釐之二逃者纔五十人耳聚者旣衆不患  
食不足常患水不給山之東南舊有碾子一泉方春日  
用且乏乃並西於桃花谷天井泉至谷口凡四里續大



竹二百二十有四引水日二千餘缶於是水給而無渴  
飲之患前此興作而死者皆留瘞山中及功畢往往不  
復完掩今迺奉制悉給錢焚收置斂具以歸其家居山  
土人皆云每至久積陰晦常聞山中有若聲役事之歌  
者意其不幸橫天者沉魂未得解脫逍遙而然乎於是  
大集浮屠衆恭作佛事卽重五晝夜爲設冥陽水陸金  
籙寶符無礙道場以薦拔其苦於其生者旣足飲食具  
醫藥所以撫恤之無不至於其死者又置斂具設佛事  
所以度脫之無不盡此無宅蓋以謂興大役舉大事使  
人人忘勞而赴功是亦臣子遵奉之志耳故不敢不勉

元祐三年五月十二日朝奉大夫都水使者都大提舉  
舉採石會孝廣謹記 河南府福昌縣主簿提舉採石醫

監核同知大提舉  
採石會文廟立石

億按永泰陵哲宗墓地也于時修奉陵寢首是役者  
爲朝奉大夫都水使者都大提舉採石會孝廣案孝  
廣字仲錫元豐末爲都水丞元祐中大臣議復河故  
道召孝廣問之言不可出通判保州久之復爲都水  
丞見宋史本傳今碑言都水使者卽其職也然于孝  
廣大提舉採石竟不附見史文其亦有所未及與  
宋史禮志哲宗崩徽宗卽位詔山陵制度並如元豐



今案碑云取大小石二萬七千六百有餘視元豐八年蓋增多五千二百七十有二然則有司踵事奉行益爲崇侈其糜費已至此而史因依詔文書爲並如元豐其信然與

宋二陵採石之碑

正書在永慶寺

建中靖國歲在辛巳正月乙亥欽聖憲肅皇太后上仙遺詔追尊故皇太妃爲皇太后是爲欽慈皇太后於是山陵園陵二役並作太史請以五月丙寅復土而採山之役自昔爲重祇奉二陵其用實倍事嚴期迨上下憂懼朝廷始更用郎官往護其役迺詔遣尙書都官郎中

會孝序都督之而以如京使帶御器械麥文昞西京左藏庫副使提點孳生馬監高偉爲之副辟置其屬分督庶務二十有九人集七路匠師與夫陪役之兵以指計者九萬六千三百三十石之拔類者其修至二十有二尺其廣踰尋其以枚計者二萬七千一百有奇役實始於正月癸未而終於三月壬午蓋六十日而奏畢若匠若兵或死或亡纔二十有九人論者以爲敏而赴功燕及其衆仰惟憲肅皇太后有大功於朝主上誠孝克塞天地當此之時百神莫不効職事之所以獲濟豈小臣之力哉故例皆立碑以紀歲月僚佐有請顧安得以獨



無於是乎書建中靖國元年三月二十六日朝散郎守

尚書都官郎中都大提舉採石護軍賜緋魚袋曾孝序

謹記前河中府河東縣尉都提舉採石所管勾文字史

內煙火事兼稅揚驍騎尉賜緋魚袋孫應書西京左藏

庫副使提點開封府界學生馬監同都大提舉採石高

偉如京使帶御器械勾當翰林司提點萬壽觀

公事同都大提舉採石麥文兩立石彭阜刻字

億按二陵一為神宗欽聖憲肅向皇后一為欽慈陳

皇后並陪葬永裕陵者也宋史徽宗紀建中靖國元

年正月甲戌皇太后崩遺詔追尊皇太妃陳氏為皇

太后碑所記皆合然少有異者惟云正月乙亥欽聖

憲肅皇太后上億與史較後一日碑當時所述當不

一后謚文之紀乃云四月甲午上大行皇太后謚乙

未上追尊皇太后謚方作記時謚號尙未定文獨豫

稱何也此必立石時追紀及此耳記出之曾孝序孝

序見忠義傳叙其歷官自初筮仕以至死職皆未言

當建中靖國元年為朝散郎守尚書都官郎中又兼

使職如今碑所載都大提舉採石護軍賜緋魚袋而

史並從畧今得之於此碑又可寶也

宋崇恩園陵採石記行書在永慶寺

億按碑殘脫尋讀多不可識唯前數行有八內內侍



省武功大夫計置下缺鄭州張懷寶奉召缺園陵採

石後又有題銜云管勾文字兼理斷公事朝散郎下

缺忠亮郎任縉通直郎韓瑜下武經郎缺武翼郎賈

之才缺武郎藺中立修武郎李從古秉義郎趙士缺

成忠郎周延慶許紳承節郎張延慶缺周儀從事郎

宋暈李遷將仕郎李處仁張遠王充李周福進武校

尉張懋進義校尉王思永假承務郎陳充管勾鐵爐

東井匠人缺管勾公使進義副府張守忠缺春癸酉

趙缺記并書攷記內諸官並與史志同唯管勾鐵爐

東井匠人則當事權設者也字奇逸秀絕惜太漫滅

耳

宋大觀聖作碑

行書在治東街宋學宮舊址

學以善風俗明人倫而人材所自出也今有教養之法  
而未有善俗明倫之制殆未足以兼明天下孔子曰其  
爲人也孝弟而好犯上者鮮矣不好犯上而好作亂者  
未之有也蓋設學校置師儒所以敦孝悌孝悌興則人  
倫明人倫明則風俗厚而人材成刑罰措朕考成周之  
隆教萬民而賓興以六德六行否則威之以不孝不悌  
之刑比已立法保任孝悌姍睦任恤忠和之士去古綿  
邈士非里選習爲科舉不孝不悌有時而容故缺臨政



趨利犯義詆訕貪污無不爲諸此官非其人士不素養  
故也近因餘暇稽周官之書制爲法度頒之校學明倫  
善俗庶近於古諸士有善父母爲孝善兄弟爲悌善內  
親爲睦善外親爲姻信於朋友爲任仁於州里爲恤知  
君臣之義爲忠達義利之分爲和諸士有孝悌睦姻任  
恤忠和八行見於事狀著於鄉里者鄰保伍以行實申  
縣縣令缺審察迺入縣學考驗不虛保明申則如令諸  
八行孝悌忠和爲上睦姻爲中任恤爲下士有全備八  
行保明如令不以時隨奏入太學免試爲太學上舍司  
成以下引問考驗較定不誣申尙書省取缺釋褐命官  
優加拔用諸士有全備上四行或不全一行而兼中等  
三行爲州學上舍上等之選不全上二行而兼中等一  
行或不全上三行而兼中二行者爲上舍中等之選不  
全上三行而兼中一行兼下行者爲上舍下等之選全  
有中二行或有中等一行而兼下一行者爲內舍之選  
餘爲外舍之選諸士以八行中三舍之選者上舍貢入  
內舍在州學半年不犯第二等罰升爲上舍外舍一年  
不犯第三等罰升爲內舍仍准上法諸士以八行中上  
舍之選而被貢入太學上等在學半年不犯第三等罰  
司成以下考驗行實聞奏依太學貢士釋褐法中等依



太學中等法待殿試下等依太學下等法諸士以八行  
 中選在州縣缺太學免試補為諸生之首選充職事  
 及諸齋長諭諸以八行考士為上舍上等其家依官戶  
 法中下等免戶下支役折變借備身可內舍免支役身  
 可諸謀反謀叛謀大逆子孫同及大不恭詆訕宗廟指斥  
 乘輿為不忠之刑惡逆詛罵告言祖父母父母別籍異  
 財供養有闕居喪作樂自聚釋服匿哀為不孝之刑不  
 恭其兄不友其弟姊妹叔嫂相犯罪杖為不悌之刑殺  
 人畧人放火強姦強盜若竊盜杖及不道為不和之刑  
 謀殺及賣畧總麻以上親毆告大功以上尊長小功尊

屬若內亂為刑詛罵告言外祖父母與外姻有服親

同母異父親若妻之尊屬相犯至徒違律為婚停妻娶  
 妻若無罪出妻為不媾之刑毆受業師犯同學友至徒  
 應相隱而輒告言為不任之刑詐欺聚財罪杖告囑者  
 鄰保伍有所規求避免或告事不干已為不恤之刑諸  
 犯八刑縣令佬州知通以其事日書於籍報學應有入  
 學按籍檢會施行諸士有犯不忠不孝不悌不和終身  
 不齒不得入學不睦十年不媾八年不任五年不恤三  
 年能改過自新不犯罪而有二行缺十入學在學一年  
 不犯第三等罰聽齒於諸生之列大觀元年九月十八



日資政殿學士兼侍讀臣鄭居中奏乞以御筆八行詔

旨摹刻於石立之學宮次及大學辟靡天下郡邑二年

六月二十九日奉御筆賜臣禮部尚書兼侍講久中令

以所賜刻石通直郎書博士臣李時雍奉勅摹寫

勝朝散郎尚書禮部員外郎雲騎尉臣韋壽隆承議

郎試尚書禮部侍郎學制局同編修官武騎尉隴西縣

開國男食邑三百戶賜紫金魚袋臣李圖南朝請郎

試禮部尚書兼侍講實錄修撰飛騎尉南陽縣開國男

食邑三百戶賜金魚袋臣鄭太師尚書左僕射兼門

下侍郎上柱國魏國公食邑一萬又一千二百戶食實

封三千八百戶臣蔡京奉勅題恩殿奉聖旨鐫

億按宋史徽宗紀大觀元年三月甲辰立八行取士

科今碑所錄八行及三舍之制並較史為詳又碑蔡

京題額自列銜云太師尚書左僕射兼門下侍郎上

柱國魏國公按蔡京本傳大觀三年臺諫交論其惡

遂致仕猶提舉修哲宗實錄改封楚國公以史考之

既云改封則前此已有封矣今碑列京題銜所云魏

國公是當大觀二年京早受封爵及于三年提舉修

哲宗實錄改封楚國公於文乃為有據史跡不及此

蓋失錄也

宋政和元年題名正書在昇仙碑陰

政和元年二月二十九日西京留守鄧洵武率僚屬奉

謁王子喬祠男蔡侍行

偃師縣志

卷二十八 金石錄下



宋浮邱公廟靈泉記 存

金石攷碑在緱山政和二年夏六月有泉出浮邱廟庭下能愈疾永安令張掾記之 府志引

宋盧功裔新升仙祠石碣 正書在仙君廟

億按石碣題云永定陵都監盧功裔重新緱山仙祠鉅宋宣和庚子歲重陽記凡二十四大字頗似山谷老人用筆其題鉅宋他石刻亦少見

宋朝散大夫陳公墓誌 蓋篆書在縣西南蕭村墓李家墳作供八

億按宋陳繹先墓在偃師緱氏旁近當是繹上世為朝散大夫者繹貶官後猶得復太中大夫以卒此誌蓋所題與繹卒官不同世誤傳云繹非也

宋顏魯公碑陰 佚

廣輿記顏真卿墓在偃師碑陰刻米芾書云公之使賊也謂餞者曰吾昔江南遇道士陶八八授以刀圭碧霞服之可不死且云七十後有大厄當會我於羅浮後公葬偃師北山有賈人至南海見道士奕託書至偃師顏家及造訪則塋也守冢蒼頭識公書大驚家人卜日開塋棺已空矣 府志引  
億按劉青藜顏魯公墓攷所據魯公返葬於萬年縣之舊原其言甚辨碑陰蓋誤會也



宋建經幢記

正書在城內壽聖寺

億按石損泐不見年月名氏僅載某妻左氏某妻趙氏某妻馬氏蓋女流之信佛者為之也

宋王氏建經幢

正書

億按此石年號缺唯載大宋國河南府緱氏縣解賈村即耶王氏數字全解賈村亦古鄉名之可見者

宋常子能建經幢記

正書在陽村法雲寺

億按石幢字磨滅其前題銜書大宋國西京河南府偃師縣芝田鄉陽村常子能字尚可尋陽村古從下今從本傳誤也又祝釐之詞首皇帝萬歲次即及府

宋史仍羌權知河陽南城兼管內安撫使四月差充京  
城留守司同簽書判官廳公事兼主管侍衛步軍司仍

遷右武大夫榮州團練使許從便宜五月遷翊衛大夫

六月遷中亮大夫改忠州防禦使大齊開基阜昌改元

公適時知變乃以中亮大夫忠州防禦使權知河南府

兼四京留守管內安撫馬步軍總管司公事兼管內勸

農使歸附聖朝朝廷優加顯秩遷中侍大夫依舊忠州

防禦使餘並如故公迺謂人曰大丈夫事主當一心建

功立名期不朽豈可乍服乍叛以速夷滅哉方思建立

以固恩寵適西京北路安撫總管翟興阻兵負險隔絕



道路跳梁不軌殘忍尤甚公迺厲志竭忠乘機奮發勸督將士協力赴功竟致渠魁破蕩巢穴厥績顯著天子嘉之乃遷徐州觀察使自是西至關中南至漢上凡兵火隔絕曠日人迹不通之地一旦水陸舟車田野耒耜賈游於市商通於路朝廷得以車書隴右開拓巴蜀皆公之力也十月皇帝遣使賜金帶以光寵之三年六月宣詔赴闕上殿皇帝問以邊事辯對稱旨無所凝滯天子愛之賜廣撫封俾臨一路仍正使號增重帥權特授依前中侍大夫徐州觀察使知河南軍府事兼四京留守河南府路安撫使馬步軍總管兼管內勸農使明年正月西賊叛逆順商號三州相繼變亂虜掠百姓攻圍城邑大兵未集遽入西洛公不幸被執賊留近軍中意欲活而用之公乃毅然不屈請卽使之遂力被害享年四十六先是厥父恩被傷致殞男安世同日被禍三世忠孝萃於一門舍生取義不失全節方之古人殆無媿也朝廷哀憫其忠義贈通侍大夫賜錢千緡及賻贈羊酒米麥等差諸縣夫役百人以助葬事許其弟武經大夫閤門祇候河南府路副總管邦傑不妨本職以領葬事七月二十日癸酉葬於永安軍芝田鄉蕪村之原公娶劉氏封恭人男一人安世贈朝奉郎女二人並未嫁



侯塚日各賜夫承節郎公天性純厚明敏辯博事父母  
 尤孝能以智帥人與士卒同勞苦資糧與均故人樂任  
 使多立奇功其在西洛不唯威聲四馳見於將畧至於  
 撫眾治民政平訟理皆出愁歎有古良吏風古之為將  
 者或以智畧或以壯勇或以死節苟得其一不害為名  
 將後世將弱兵驕其能智畧壯勇與夫死事奇節顯顯  
 名世者幾希故其伺敵之來往往內懷怯心外霽威色  
 畏避矢石不敢前臨時去就心挾二三幸勝則要功力  
 屈則降敵若人者安能死節王事願死馬革中以報國  
 家哉公獨能兼是數者卒死忠義並驅古人非天賦英  
 才易如是也僕不識公之面友人將仕郎黃億實客  
 於公之舍一日狀公行事之實見屬為文辭不獲已因  
 為之銘曰

帝造區夏志清多壘兇醜跳梁速誅干紀公適時變  
 缺 心欵附氣吞羣盜亂庶遄沮帝用嘉之以廣撫封  
 正彼使號以旌有功留鎮西洛克服商虢舟車隴蜀  
 缺 底偉績董賊亂常兇焰熾張死節被執 缺 頭不降  
 以忠捐軀禍及三世死馬革中 缺 帝用憫之厚塋斯  
 舉錫以千緡贈以 缺 安窀窆承 缺 幽宅巍巍高高與  
 功無極



億按孟邦雄事附劉豫傳後云孟邦雄發永安陵卽  
其人也今邦雄墓亦爲土人掘井出之獨匿此石五  
十餘年予宛轉屬覓構之乃訂其始末蓋邦雄永安  
人自劉豫僭號遂降豫授僞職至中侍大夫徐州觀  
察使知河南軍府事兼西京留守河南府路安撫使  
馬步軍總管兼管內勸農使案西京以史證之豫升  
東平爲東京改東京爲汴京又僭位大名及河南府  
西京并爲四京誌文所云四京蓋謂是也誌稱京西  
北路安撫總管翟興阻兵負險隔絕道路跳樑不軌  
殘忍尤甚公乃厲志竭忠乘機奮發勸督將士協力

起功竟致渠魁破蕩巢穴攷興本傳爲京西北路安  
撫制置使兼京西北路招討使此文乃易安撫招討  
名爲總管又傳劉豫將遷汴以興屯伊陽憚之遣蔣  
頤持書誘興以王爵興斬頤焚其書誌文謂興跳樑  
不軌殘忍尤甚當指於此至傳所云豫計不行乃陰  
遣人啗裨將楊偉以利偉殺興携其首奔豫則此誌  
以邦雄勸督將士竟致渠魁是於興之隕歿皆由邦  
雄所致與史頗不相符惟興本傳內小註或云賂偉  
爲內應以兵徑犯中軍興奮擊墜馬死則邦雄乘機  
奮發卽當時以兵犯中軍者事亦或然也然則史小



註宜爲可據而傳故兩存之也

金修三彌墓碑

佚

金石攷城東三里有冢巍然南百餘步石表在焉已顛仆斷缺辨其文爲王輔嗣先生墓乃金忠顯尉行河南府偃師縣主簿兼尉鮮于淵所立時明昌四年八月望日也見元陳思忠記

童鈺按王弼墓據水經注在偃師西鮮于淵誤以偃師東大冢當之辨詳陵墓

金緱山廟詩石碣

存

緱山突兀上空虛古柏森森幾萬株一自吹笙仙去後

會遊故鄉無承安丁巳十一月十四日溥南老人

書

童鈺按緱山石碣在今偃師東門內人家壁上不知何時移入

金重修仙鶴觀碑

正書在  
本觀

億按碑漫漶尋讀不復成文唯云唐之天后葬太子及行事日有鶴徘徊故于陵之南缺二字一所賜其額曰仙鶴觀其記觀得名之始尙可識如此通志作王子晉跨鶴事蓋失其實也後列聖朝大金大安歲在協洽冬十有一月旁生魄知觀道士李守政立石字



頗完具其前撰書者名已缺獨武字存蓋撰書者之  
氏也碑陰載李守政徒黨故不具錄

金投龍記

正書重刻在縣南  
緄氏鎮仙鶴觀

宣元投龍使體元大師中都太極宮提點李太汝廣道  
今練師劉道元道奉聖旨欽詣嵩山靈嶽投送金龍假  
道於此宿僊鶴觀賴主公鄉友宗人見勞以清茶談心  
終夜不能已已因誦石刻端明侍郎詩天后韻偶得拙  
惡漫次其韻呈仙鶴主人以為後時故事皆大金崇慶  
改元二月春五十四日也

億按碑鍊作練遵作道重刻者誤也投龍在嵩山石

刻金元較夥或莫知其所起攷隸續載魏修老子廟

詔碑下方有唐開元天寶間題字數十行乃真源縣

令邵昕記祠醮投龍等事然則投龍之起所從來已

遠而世顧不知攷其于記載為踈也碑後詩三首即

李廣道所題婉約得風人之旨採金詩者尙未收及  
因附著之

故人情話恍無關遙夜挑燈語笑間不意得繼緄氏

嶺天教有分看山山

嚴鼓鼙更已闌炷香危坐靜吟間因思子晉飛仙

後更有何人復此山

風馬鏗鏗清夜闌似聞笙韻遏雲間當年仙馭知何



在不住蓬山即聞山

金重修岱嶽廟碑

正書在縣城隍廟

殷湯之世盤庚五遷河南西亳即其地也又周武王伐紂既畢倒載干戈偃武之處故名偃師焉唐宋五代史時縣中焚毀殆盡唯存三廟兩寺邑東道南有中天廟緣兵革之後邑人更為岱嶽之廟東門之內街北有缺神霄宮舊基缺以為便自大定年間居人遷其廟於此修完缺稍成就貞祐有詔得以在處神祠聽立寺缺名額道士絳陽李德如慨然有志勸率邑中豪右商賈置為岱嶽觀命羽流延奉上真香火亦因前所謂神霄之舊址宜其復為道觀焚修住持之所豈非預定之祀歟僕此邑之頗老者又喜李君之用心如此故勉為之記昔貞祐四年季夏望日

億按記文於岱嶽廟興廢修復始末完具亦方志之考也記稱唐末五代史時史蓋衍文耳記朝代無以書名闡入者

金故少中大夫御史程君墓碑

正書在縣南程家村河東元好問撰東勝李徽

書樂城李治題額

君諱震字威卿先世居洛陽元魏遷兩河豪右實雲中三州遂為東勝人曾大父獲慶大父總質直尚氣鄉人



有訟多就決之至於婚嫁喪葬不能給者亦借力焉父  
德元自少日用狹聞嘗與羣從分財多所推讓州里稱  
之後以君貴封少中大夫雷內翰淵述世德之舊脩矣  
少中子七人長曰鼎臣孝友仁讓閨門肅睦有古君子  
之風以六赴廷試賜第調濮州司候判官次日雷由武  
弁起身官懷遠大將軍行軍副統君其第三子也資嚴  
毅雖所親不敢以非禮犯之幼日夢人呼爲御史故每  
以諫輔自期章宗明昌二年經童出身補將仕佐郎泰  
和中年及注授臨洮府司獄忻州司候判官以缺幹西南  
路招討司奏辟提控公邊營城糧草尋擢王綱榜詞賦

進士乙科換偃師主簿宣宗幸汴梁入爲尚書省令史

時相知其可用不半歲特授南京驚巡副使秩滿例爲  
廣盈倉監支納官與定初辟舉法行用薦者除陳留令  
將之官白府尹言縣務不治令自任其責丞簿佐史輩  
無預焉幸無擾之使令得盡力尹諾之旣到官事無大  
小率自負荷次官奉行而已時秋大旱冬十月乃雨歸  
德行樞密院發民牛運糧徐邳君爲使者言吾麥乘雨  
將入種牛役興則無來歲矣使者不能寬十日程耶民  
事果集雖乏軍興吾不辭也使者怒而去君力畢農種  
糧運亦如期而辦行院仍奏君要譽小民不以軍食爲



急朝廷不罪也既受代大司農奏課爲天下第一御史  
臺察能吏亦爲奏首且言可充臺諫京東總帥府奏辟  
經歷官不許乃拜監察御史君莅職慨然有埋輪之志  
卽劾奏平章政事荆王以陛下之子任天下之重不能  
上贊君父同濟艱難顧乃專恃權勢滅棄典禮開納貨  
賂妄進退官吏從史奴隸侵漁細民名爲和甫其實脅  
取諸所不法不可一二數陛下不能正家而欲正天下  
難矣書奏宣諭御史臺程震敢言如此他御史不當如  
是耶且有旨切責荆王出內府銀償物直敕司馬杖大  
奴之不法者數人於是權貴皆爲之歛手東方頗震

連京師糧八萬石賑徐邳君經畫饒道十里一置驛羅  
弓刀以防寇斂具斧斤以完器用備醫藥以起病疾勸  
助借以通留滯輦運缺仍如出衽席之上饑民踵來凡  
所以爲貸爲糴爲賑贍計度肥瘠無一失其當州民請  
於京東帥司願留我程御史以福殘民帥司奏君爲行  
部官詔再往徐邳荆王積不平密遣諸奴誘姦民徐璋  
造飛語訟君於臺諸相不爲奏而王獨奏之宣宗頗直  
君欲勿問王執奏再三乃從之時太子領樞密院事遣  
醫藥宮王子玉諭旨推問官程御史爲縣治行第一監



察又稱職有罪無罪勿爲留難已而璋伏誣告君當還  
臺在律官人與部民對訟無罪猶解職王風大理寺御  
史言天下事在所皆部民竟用是罷官軍泰然自處都  
無已仕之愠聚書深讀蓋將終身焉天不假年以正大  
元年三月二十有一日春秋四十有四終於京師嘉善  
里之私第積官少中大夫夫人史氏封安定郡君先君  
歿子一人思溫舉進士四弟皆補君廕願監西水場晉  
監棧州稅務恒監緱氏酒務升宣授招撫使以是年十  
月二十有七日舉君之柩附于金昌府芝田縣官庄里  
少中君之新塋禮也嗚呼生才爲難盡其才重爲難使

行萬里而車折其軸有才無命古人所共歎雖然地遠  
而位卑身微而言輕乃以一御史犯強王之怒卒使權  
貴落胆縉紳增氣雖不遇而去信眉高談亦可以無媿  
天下矣尙何恨耶乃爲之銘曰  
曲士賣直見豺而慄鄙夫媼媼與鳧同波犯父子之至  
難孰狡許而上劇橫潰我障剛瘳我訶鍊心成補天之  
石奪筆爲却日之戈古有之和臣不忠忠臣不和彼容  
容者之所得奚後福之能多有山維崧有水維河程君  
之名永世不磨中統四年歲次癸亥秋七月己卯朔弟



恒建

元遺山集御史程君墓表畧云震字威卿父德元用君貴封大中大夫雷內翰淵述世德之舊備矣子八人君其三子卒耐于金昌府芝田縣某里太中君之新塋禮也

金石攷至大七年元好問撰志云程氏先塋尙有雷淵王思廉所撰碑

童鈺按程氏塋在今緱氏東程家村東據元好問墓表稱太中大夫而舊府縣志俱以爲少中大夫似誤億按程震金史有傳皆約取遺山此碑中有少異者

傳言與其兄鼎俱擢第碑云少中子七人長曰鼎臣較史稱單名者不符碑下刻震兄內有雷亦一字單名而長獨雙名莫知其義也或臣字當作以字以字連下讀字形涉似勒石者誤耳傳載劾荆王語全舉碑文後言未幾坐爲故吏所訟以此質之碑所云荆王積不平遣諸奴誘姦民徐璋造飛語訟君于臺已而璋伏誣告君當還臺在律官人與部民對訟無罪猶解職王風大理寺御史言天下事所在皆部民竟用是罷官然則部民亦鍛鍊文致之語其非故吏益明也史文欲約其事而義反不著皆此類也碑言芝



田縣官庄里今官庄在緱氏鎮東南十餘里又碑前  
題兩程夫子之後妄庸人附會誤鐫耳碑中統四年  
立金石攷乃謂至大七年若未觀此碑者皆踈舛之  
甚也又童氏據遺山集云太中大夫當由未見石楊  
今碑正言少中大夫足徵舊府縣志非誤而遺山集  
傳刻者誤也

元王十一建經幢

正書皇慶二年三月在縣西土樓村北莊嚴寺

偃師伯王輔嗣之墓

翰林待制吳炳書元統二年冬十月偃師縣尹時禎立石

元修魏王輔嗣墓碑陰記

正書在縣東北墓前

儀封時公希顏假令偃師之明年治政聿新百廢具舉

暇日謁境內前賢瑩域雖遺蹟可考者莫能其的惟

邑城東距二里有冢巍而大直其南

缺

餘步缺途北故

石表在焉已顛仆斷缺辨其文識其為魏王輔嗣先生

墓迺至金忠顯校尉行河南府偃師縣主簿兼尉鮮于

淵所建皆明昌四年八月望日也公視之懼久漫滅卽

謀諸僚家易以貞珉勒示悠遠監縣

缺

判簿缺典籤章

缺同聲從史不日而成之先生諱弼輔嗣其字也初與

鍾會並知名好論儒道才辭辨逸家于山陽用何晏薦

為尚書郎一時名流咸異其精達年念四卒嘗註老子

尤專易學列彖象立訓傳探微索隱文旨幽邃其書顯



行於世用是後封偃師伯從祀吾夫子廟廷今時公復刊著姓字標其邱壠俾世之景行先哲者知有所聳敬云元統甲戌冬十一月至日河南陳思忠誌

大元故中順大夫河東山西道肅政廉訪使程公神道

碑銘有序

翰林學士中奉大夫樞密院判官王思廉撰翰林直學士朝列大夫知制誥同修國

史劉賡書并篆額正書在縣南程家村

元貞丙申正月十六日河東山西道肅政廉訪使程公

以官壽薨于太原二月三日歸柩汴梁缺姪狀公行實

來請銘按公諱思廉字介甫姓程氏上世洛陽人元魏

徙兩河豪右實雲中三州因著籍東勝公處士諱總之

諱少中大夫安定郡伯諱德元之孫宣授沿邊

榷規運使解缺諱恒之子妣缺氏公始知讀書從樞判

白公學故文筆論議皆有師法中統建元用太保劉文

貞公薦事裕宗皇帝于春宮服勤守恪特被眷遇令監

印宥省至元七年樞副合丹公以平章政事領缺行省

選署都事缺二年轉同知淇州事力辭養親繼丁外艱

服除授東平路判官入拜監察御史十六年出簽河東

山西道提刑按察司事俄遷河西隴右道副大使徙河

北河南山東東西兩道未幾陝西行省缺與元路總管

明缺進陝西漢中道大二十六年雲南立行御史臺



擢拜中丞今上嗣位改河東山西道肅政廉訪使公識  
見明敏沈毅果斷筮仕之初年尙少言動有節望之儼  
然同列雖親密者亦不敢以狎褻及之由是見知時宰  
有都司之辟竭力叅贊事有當行惟恐或後丞相史忠  
武公每加獎拔幕府有疑忠武之徇公者時規取襄樊  
供億浩穰公視出納綽有餘裕初築親城於江北缺以  
足兵食委公領其事倉廩未完米多露積一夕大雨諸  
相以爲憂使人覘公方安卧帳中召而詰之公徐曰敵  
在邇常宜鎮靜縱有漂濕所損幾何不過軍士一日糧  
耳若中夜搔動衆必驚惑事變之來殆有不可勝言者  
英曰者題之簡書之際究心營繕舟車器械靡不犀利  
嚮之見疑者始以忠武爲知人公之世父治書公金南  
渡後嘗爲監察御史正色立朝不畏疆禦及公嗣職慨  
然有齊美之志彈姦臣阿合馬輩缺至陷缺居之泰然  
其黨巧爲機穽卒不能傷出簽提刑司事也缺糾趨不  
克殫紀其尤者大同楊刺真等犯酒禁有旨誅之公以  
其罪不至死論列數四其忠君守法如此其赴河北河  
南也道彰德聞兩河凶歉民缺食而官府徵租甚急欲  
止之有司謂法當上稟不敢專擅公曰若缺常例比得  
請民已罷於進呼矣卽移文停催然後申明省臺果獲



蠲除僚友有當鞫獄鄴中而不果行者公乃請代至則  
詳究本末盡得其缺數二十年河北復饑民多轉徙於  
南朝廷遣使與汴梁官屬會憲司官於河上以阻之公  
與總管張侯決議放渡既而列上亦賜允俞是秋霖雨  
大河清沁皆泛溢爲衛輝懷孟缺公缺賑貸全活甚衆  
水浸衛城不沒者數板適郡僚各以事出缺與屯戍萬  
戶張侯集軍民發倉廩缺築隄防缺捍缺衝晝夜督促  
暴露城隅越數旬功始就至今大水不復爲患簡人德  
之興元命下公缺時尚書省丞相桑哥用事頤指所及  
竭蹶奉承雖舊力勸之公以太夫人年將九十旁無兼  
缺致弗充不聽缺得告而後已嗣有陝西漢中之行  
亦極力旬免杜門家食慈母孝子懽然一堂若將終身  
焉缺年丁內艱哀毀過禮見者傷之雲南去京師逾萬  
里朝議以爲振舉綱維肅清風憲綏輯遠人非公不可  
乃起公或謂跋涉功苦且未終制公必不拜公乃曰前  
此三除昧死陳請蓋以老母故也今缺力絕域以贖前  
過甫踰小祥卽素服就道既蒞事迺戒勅典兵之官牧  
民之吏主刑名司廩庫各謹爾職毋致人言自是上缺  
新舊染雲南有孔子廟月朔望長吏便衣拜謁而已教  
官雖設一無從缺之士公乃舉春秋釋采之禮先於所



治中缺府集行省臺以下諸官百餘缺以行祀事屬城

化之有遣缺弟受業者公之不鄙裔夷缺誠敦教又如

此河東地瘠民貧仍遭旱暵公奏除歲餉視王缺政十

之九所輸租稅易遠倉為近倉以便民歷年積弊前政

缺洗蕩一空鄰境之人缺知嚮慕竟因是得疾公頻用

缺剛稜疾惡恒以古人自期晚年言事尤切直如早建

儲貳以固國本訪求賢備用贊不圖車服辨尊卑之差

封謚表忠勤之實養軍力以缺所臨擾民不急之役缺

禁止晨缺庠序檢災戢盜尤所盡心至忘饑缺平居不

好博奕不事生產惡衣菲食無難色與人交愈久而情

好愈篤不以貲錢為輕重或有疾病死喪缺後仍為之

律缺家事缺規子孫不少衰減其於缺厚者也恬於進

取勇於為義卧病太原未得謝缺力疾視事一旦索紙

筆作遺書寄弟姪翌日飲啖缺客退易缺不屈之氣充

養有素故於死生之際明了如此僚吏士缺私親靈輜

所經皆盡哀致奠則公之為人概可知矣享年六十有

二夫人鄭氏婦道可稱前公卒今缺臨潢之甲族也明

悟缺重持家有法缺氏二幼在室以大缺二日葬公於

洛陽緱山先塋之次禮也銘曰斤斤程公出遭盛時儒

素世家孝友缺資揚歷中外材可吏師缺凜缺臺風生



憲司去惡如草遇民如兒捍患禦災奚翅已私缺去必

見思用夏變夷悅禮敦詩惟是頑獷化而柔慈萬里來

歸缺不絲養吾浩然豈其餒而望公廟堂缺疑龜著今

也奈何缺一有韞於中未究設施不能不蛇賢人嗟咨

有巍者碑銘以昭之公有遺恨吾無愧辭缺三年歲次

庚戌夏四月缺日第十三姪程仲昶第八姪孫程址并

孫婦缺氏等立石

億按碑載思廉父歷官內解字下缺以史補之當為

解州鹽使碑載至元七年樞副合丹公以平章政事

合行省証之元史世祖紀七年以同知樞密院

紀言合答當由譯字有異也碑載二十六年雲南立

行御史臺本紀及百官志并列入二十七年計數差

隔一年惟本傳作二十六年傳依據碑文為正其紀

與志所載殆史文之誤也史為思廉傳皆取碑所記

唯論列楊刺真犯酒禁未嘗脩書耳傳載謚敬肅而

碑不載此又可互証也

有元故尙鄉鎮三使司大使程公表墓碣銘并序翰林

士奉議大夫知制誥同修國史尙野撰翰林修撰從

任郎同知缺兼國史院編修官鄧文源篆額正書在縣

南程家村



公諱思茂字榮甫先世居洛陽上程聚西晉侍中咸封  
上程侯元魏遷兩河豪右實雲中三州始居豐徙振武  
凡四遷爲東勝人曾祖總四子少中德元德超德林德  
懋公之祖也考魏缺妣武三世隱德公金泰和八年生  
於雲中崇慶初少中府君第三子從伯父太中震調官  
偃師始復先世居壬辰之變公爲東勝兵所執時有識  
者且兵故佃人也少中第八子從叔父昭毅升以繪贖  
歸處懷別業婢僕孳產盡付主之天性至孝其事昭毅  
定省溫清如所生少中第二子從伯父懷遠雷在京宅  
衣糧供具四時相屬初懷遠以父少中始塋緱山之索  
亭原爲南渡第一祖儒林長兄太中弟祔焉久曠展省  
不勝感慕青龍甲午天下甫定輒率公奔走先塋陵谷  
變遷尋訪百至恍若陰相偶自民井怵見一穴持火下  
視棺志宛然贈少中大夫輕車都尉安定郡伯德元也  
缺蹟旁近隱然二封鑿之乃儒林郎濮川司候判官贈  
驍騎尉安定縣男鼎監察御史攝治書侍御史戶部員  
外郎贈太中大夫加二輕車都尉進封安定郡開國伯  
邑缺百戶賜紫金魚袋震也而其地爲秦姓者所有矣  
倍直所得僅周三冢埋井大封拜哭而去迨至乙卯公  
復奉懷遠以金酌缺盡復其地以祖德懋而上德林德



超曾祖總皆墓東勝舉柩未獲艱於拜掃為封虛宅招  
魂以祭遂如沐如懷如河陽如緱氏鎮遍收遺骸以齒  
厝之曰泰德超長子忠勇校尉驍猛軍中副千戶贈游  
騎將軍夫人李氏願少中第四子忠顯校尉福昌將作  
副使夫人張氏封安定縣君再娶陳氏晉少中第五子  
昭信校尉同州軍事判官夫人彭氏封安定縣君公之  
考妣惠少中第六子妻張氏缺德超中子妻張氏慶季  
子早卒升昭毅大將軍鎮守潞州都元帥左監軍兼行  
京西路軍民招撫使夫人在氏再娶李氏白氏李氏解氏  
賀氏曰思謙忠勇子徵事郎監尙缺局事夫人楊氏思  
於十月二十三日大葬先塋時懷遠缺君已七十九矣  
四年丙辰以公手植栢二百五十株剗坦以限缺牧塋  
餘田以食塋守往復四莽圖功攸畢反命寧止是歲已  
未五月一日府君終於沐享年八十有三累官懷遠大  
將軍鎮守河中漢軍都萬方行陝州行軍副都統軍使  
後某日公偕其子思彬奉喪歸耐先塋之第二代中統  
癸亥八月九日渙之子思義武陟令卒于懷後某日夫  
人申氏奉喪耐于第三代之行公居家在官律已接物  
謹愿淳恕懷德畏威罕居城市絕蹟官府雖樂施鄉鄰



而有<sup>缺</sup>開戶金之未亡也以廕補官進義修武歷橫水  
白波酒監國朝尚鄉鎮三使司大使惟正是取第求無  
墮窳非所願也劬躬稼穡廣拓土田質後以本世秘機  
械不知有之不幸至元十七年九月十九日春秋七十  
有三以疾卒于尚鄉鎮之正寢越三日葬于其鎮之西  
北一里許古城原夫人二初配張氏兵亂失所在再配  
黃氏蚕桑織績拮据卒瘞身兼數十婦家致完美內助  
爲多春秋祀事篤于無後周恤宗族先及孀獨自歸程  
氏內外無間言臧獲二百餘指遵公遺命毀券附戶下  
輔佐君子曲盡婦道遠近師貞順子男二人長仲恭先  
公二十一年年十八卒次仲謀後公十一年年二十九卒  
資魁偉勤儉質直取友必端作事不碌碌以物力被推  
擇嘗爲懷藍路在城務副使天不假年且復無後黃氏  
曰程氏家門<sup>缺</sup>敢誰何卽發書抵汴訃十四叔中丞來  
選賢而應後者應之中丞方至枚舉同宗公<sup>缺</sup>未定適  
太中府君曾孫基以址近懷遂以址爲後女四人長倩嫫  
同群王謙後公二年卒媼妻耿勉先公五年卒次淑嫻  
夾谷文用以公多疾屢瀕於死至不知人者數日烹調  
藥餌剝股一再竟獲平復康寧八年卒母疾亦然邦人  
以爲難次姪適于福夫人黃氏後公二十四年大德癸



卯三月二十六日得年八十有九卒于懷之崇教坊歛  
之明日址具公行實緘經來請曰址伯父父葬始有闕  
欲同歸耐緱山先塋重缺從叔祖中丞元貞改元之初  
比臨以使廉訪河東聚約宗親自壬辰北渡占籍真定  
迄于乙卯大葬之後四十餘年分房缺官散居四方父  
母兄弟若子若孫缺喪就殯苟簡因循杳無葬期今先  
塋殆缺已命族孫基于東南十餘步卜新宅兆開歲會  
葬宇諸諸房無爽前定明日遂行僅及踰年薨于其位  
賻志一棺歸殯汴梁九月霜露寒盟未尋址缺諸孤幸  
先是懼爰卽舊原東北缺禮遷耐將以缺月辛卯寔幸  
具誌焉死且不朽于旣銘之納諸公壙矣後六年至大  
己酉冬跋履山川抵冒風雪訪于京師再拜爲言先是  
四年大德乙巳冬從叔祖母夫人柏德氏哀未亡之不  
夫痛先志之無繼挺身由汴往道單懷明年正月七日  
戊申戒址從行渡河翌日乙酉破土新塋盡時徑還別  
遣址持書鎮缺報十六叔巡檢啟殯舉柩二十有三於  
懷五夫人於汴十日恒少中第七子爲新塋第一代公  
邊監權規運使兼行採訪使夫人田氏楊氏妾李氏蘓氏  
運使兄懷遠之夫人李氏曰思長儒林子承奉班祗候  
夫人李氏思溫太中子號河南處士夫人元氏思忠儒



林次子趙州儒學教授夫人李氏妣祖妣武陟令之夫人申氏思聰晉長子提舉軍儲倉缺夫人張氏思明次子京山提領規擢使思彬懷遠子思廉運使長子御史中丞行河東山西道肅政廉訪使夫人鄭氏思庸中子曰伯直處士長子號耘叟妻王氏麟思忠長子早卒思愿次子真定路在城三使司提領夫人劉氏孫氏高氏中簡處士中子妻王氏李氏貞思彬長子仲素軍儲中子址伯父仲一京山子址父仲耘仲丞子曰圮耘叟長子比四世三十八樞於三月十二日壬午以昭以穆咸葬新塋惟李氏妣懷遠墓申氏妣武陟令墓會葬後二年

大改元九月三日乙未夫人柏德氏薨于汴二年二月清明前二日壬午姪仲易承事郎濱州判官奉夫人之柩附中丞墓清明後再閱月庚午塋譯工部史自三江奉其父奉政大夫行都水少監公間泊夫人二李氏之柩歸附于新塋之昭次公缺處士之季也愷妻張氏權殯舅姑前左且請易誌為表附載會葬之本末蓋公於先塋為第三代而新塋則二代之穆矣二子仲恭仲謀公之昭也與其宗支姓源出缺業之詳見於家牒碑銘既復撥遺件右以表公之德而又次第附載柏德夫人不死其夫中執法之仁嗚呼懷遠白波之伯姪所謂



吾無間然者劉禹錫稱史書妻博陵崔氏僕射之喪自  
沒竟至葬當門戶備祭祀建碑表皆崔氏之能以予觀  
之在夫人爲餘事爾祖作於前孫述於後詩曰惟其有  
之是以似之址也有焉又曰民之秉彜好是懿德雖大  
書特書不一書而足敢以憚煩辭乃爲銘曰南山嵩少  
北太行懷之河內洛金昌生也信美死允臧黃流奔猛  
一葦杭公之先世茲所藏陵谷變缺失堂房俯仰如故  
孰主張補天餘烈芝缺芳瞻雲遥遥曠蒸嘗還形缺地  
魂無方首邱知本不可忘遍收旅骸無遺葬曰達可暨  
仁乃常河東有志費黃腸寒盟遲尋隍徽茫閨門之秀  
剛夫士猶存人未亡先後克荷藐諸郎再舉四世  
會九京博陵匪直僕射吏老栢黛色參天長同生玉立  
森白陽兩瑩奕奕連輝光積善之家有餘慶會見興者  
復大房麒麟卧高邑作旁公乎來歸安故鄉礪山帶河  
銘有章千秋萬歲永無傷前國子監助教馮景道書丹  
天歷二年歲次己巳夏五月二十有二日戊寅孫婦何  
氏同女憲憲立石

億按碑載程氏世系規置遷葬事頗詳著惟程震碑  
旣言少中大夫而此碑前云太中震又云太中弟祔  
焉又云贈太中大夫震又云思溫太中子數稱其官



皆言太中蓋震積官至少中大夫而後乃加贈爲太  
中碑各據其實言之皆爲可依然遺山所撰程震碑  
自應爲少中以其時尚未加贈也金石攷云程氏先  
塋尙有雷淵王思廉所撰碑今攷墓碑有三一程震  
碑爲元好問撰一程思廉碑爲王思廉撰一程思茂  
碑爲尙野撰無所謂雷淵者金石攷殆以震碑內雷  
內翰淵述世德之舊一語因附記之遂涉誤也

元請詮公長老疏碑記

正書在永慶寺

億按碑凡有二疏上截以詮公住持浮山永慶寺爲  
元統三年正月下截以詮公住持浮山崇聖禪寺爲

至正二年九月後列諸官皆書氏而不名又於名下  
作押類今之書押者亦不曉爲何字也

元陳氏世系圖碑

在縣南蔣村陳氏墓前至正

年

億按陳氏世系以碑所列証之于史其可見者陳祐  
之祖曰忠碑載忠字公茂號茂行先生贈昭文館大  
學士正奉大夫護軍追封河南郡公謚昭懿祐本傳  
云祖忠博究經史鄉黨皆尊而師之旣歿門人謚曰  
茂行先生按碑但云號茂行史竟以爲門人私謚恐  
涉誤也忠之子曰子安祐之父也以碑攷之贈榮祿  
大夫中書右丞上護軍追封河南郡公謚文康兩世



皆由祐貴追贈然昭懿文康亦皆追謚此元制寬于  
議謚如此子安二子長卽祐碑載祐字慶甫號節齋  
仕至浙東宣慰使與本傳同傳言祐能詩文有節齋  
集然則碑云號節齋者其集卽以號著名也祐旣遇  
害傳言詔贈推忠秉義全節功臣江浙等處行中書  
省左丞追封河南郡公謚忠定父老請留葬會稽不  
得今碑載贈推忠秉義全節功臣資德大夫江浙等  
處行中書省左丞上護軍追封潁川郡公較之史微  
有詳畧而河南郡公則其上世所追封不若今碑列  
潁川郡公之得實也祐子有三碑云夔芍陂屯田萬  
戶與傳同惟贈輕車都尉追封潁川郡侯傳從畧不  
書臯碑云仕至朝列大夫慶元路治中與傳所列昌  
國州知州者全不符此當以碑爲正至如夔以傳言  
之侍儀司通事舍人而碑言仕至從仕郎倚比字下  
漫漶不可識孫思魯夔芍陂屯田萬戶與史合其追  
封潁川郡侯謚敬修史則未之及祐之弟天祥傳言  
居近緱氏山因號曰緱山先生碑惟言號緱山而已  
又碑載壽八十七贈推忠正誼崇德佐理功臣榮祿  
大夫河南江北等處行中書省平章政事柱國追封  
趙國公謚文忠案之傳文其畧固已自見至於壽八



十七而傳言年八十崇德佐理傳又誤爲全德皆失考也祐之墓在洛陽張羊村天祥墓在偃師縣嘉禾鄉蔣村里在蔣村者墓地已爲人侵沒獨數塚存焉而洛陽之張羊村其墓尙不可考噫嘻悲哉碑載世系自祐與天祥而下列及四世蓋于譜牒所錄獨詳且明而又示諸永久如此予跋証其有關於史者其譜圖亦附別錄使世知所做也

元奉訓大夫秘書監丞陳君墓碣銘正書在縣南蔣村陳氏墓前從仕郎

缺修國史 缺史 從元思中撰

顯曾祖諱 字子安贈資德大夫中書右丞上護軍追

封河南郡公諡文康曾祖妣張氏追封河南郡夫人顯

祖諱天祥字吉甫贈推忠正誼崇德佐理功臣榮祿大

夫河南江北等處行中書省平章政事柱國追封趙國

公公諡文忠號緱山祖妣張氏追封趙國夫人顯考諱

孟温字伯冲嘉議大夫同知太常禮儀院事致仕妣高

氏贈穎川郡夫人妣席氏贈穎川郡太夫人君諱用中

字 建其先世居趙州寧晉縣因顯祖趙國公徙于河

南遂家焉君儀表儼肅性行温雅鄉里以善人目之至

順三年二月廕父官補太常禮儀院太祝階承事郎陪

祀清廟稔習禮度凡執事悉盡其誠恪元統三年六月

偃師縣志 卷之八 金石錄下 七



轉承務郎湖廣行中書省承發架閣管勾職優政簡遵  
家範以清白自將滿攷遷奉訓大夫秘書監丞至正六  
年三月祇承上命齎捧御香祀缺衡嶽暨南海王廟至  
十一月還抵京師不幸是月十九日遘疾隕故享年五  
十有二識者靡不痛惜喪既歸洛缺以至正七年正月  
三日徙于偃師縣蔣村先塋之次君自少習孝行甫冠  
失所怙事繼母終身無間言待母弟尤中極其友愛娶  
張氏封洛陽縣君子四人長曰繼次曰紹俱先君卒次  
曰泰亨次曰永貞皆幼余君之再從兄缺元中弟悲哭  
以墓銘為屬遂哀悼而銘曰

祖考之業兮遇乾坤清泰之時眾期其翱翔于雲  
霄兮命胡為乎而遽止于斯譬猶駕車將通萬里兮及  
中途俄馬敗而輪壞賴有少缺嗣續其後兮庶幾俾廢  
絕不至于已而

大元故資善大夫燕南河北道肅政廉訪使伯顏忽都

公之塋

長男文林郎歸德府同知亳州事安住次男  
丞直郎中書戶部員外郎月魯立至正十三

年夏五月日正書  
在縣三里東屯

元洛京緱山改建先天宮記

真大道門人崇道廣演大  
師休庵老人前進士杜成

寬撰錦山張瑜書丹篆額  
正書在緱山下先天宮

原夫否極泰來宜元化從此而再造乾旋坤轉當皇猷



於是以重亨使群生復觀於淳風俾萬姓咸躋於壽域  
洪惟太上金闕元元老君爲造化本根作元黃父母胚  
渾二氣化育三才居太初太易之前處無象無形之內  
體希夷而莫究道眇邈以難窮千古楷模百王軌範造  
書畫卦爻由聖智之所爲毀穴焚巢端自神功而攸致  
定四時而明五運分百穀而正萬機興農桑養育於黎  
元置兵甲却攘於兇醜布蔭於普天之下垂庥於率土  
之濱明四目而達四聰敷五教而立五事四罪咸服五  
典慎微地平天成道行化洽漸見性情之逐物乃談道  
德之真經欲移澆薄之風令返眞常之域導之以百行  
善檢之以三綱玉常庶乎自忠信孝悌而悟底於修  
齊由仁義禮智而還歸於道德其奈去古日遠望道日  
微法令雖張巧僞彌盛以利祿功名爲事業以富貴矜  
泰爲尊榮或言行道而化人翻成矯世而銜俗或以咒  
術而爲救治或用符法而制妖邪以齋轉爲行持以燒  
錄爲修養是皆舍本而逐末安能成道而證眞惟我祖  
師東嶽真人劉君生居滄州樂陵縣之北界首以愛敬  
事母以清靜處身端由正念之克存乃感聖師之臨御  
復駕青犢來抵其家授以宗乘傳以經筆俾興大道之  
正教以度末世之黎民其教也本之以見素抱樸少思



寡欲持之以虛心實腹守氣養神及乎德盛而功成乃  
可濟生而度死以無爲而保正性命以無相而駭役鬼  
神行教三十八年住世五十九載以法傳付二祖大通  
真人陳君二祖既掌天權引宣祖度人罔極設化無  
方闡教垂一十五年法壽則莫得而識以法傳付三世  
純陽真人張君三祖稟質不凡行法好古敷宣聖教克  
肖先師處世五十五年闡教二十五載乃以教法傳付  
四祖元陽真人毛君四祖見性達聰罔愆成法心厭塵  
世不承斯年掌教五星有奇得年三十八歲復以教法  
遜與五祖太元真人酈君五祖當教之日值大元立國  
初法令未行逆魔亂起始終一十五載遭逢十七大  
魔以五祖道德崇高威靈顯赫魔不勝道尋乃自平自  
戍戍以來化因以洽南通河嶽北極燕齊立觀度人莫  
知其數真人尊太元之號教門得真假之分闡教三十  
六年享壽七十八歲將法傳付六祖通元大師孫君六  
祖得法之後德感宸旒名聞朝野君王眷顧卿相主持  
秉統轄諸路之權受通元真人之號嗣承宗教轉見輝  
光敷化一十五年享壽五十六歲於至元癸酉四月念  
二日以微疾而終雖與歷代同示坐亡其應現威儀比  
其他有異於預先七日將法傳付七祖願真大師李君



其傳受事意又極昭彰道俗官民咸稱殊異七祖得法  
之後宣授統轄諸路賜願真體道真人名號有河南路  
洛京提點舉師杜公德元來詣師堂告曰德元所住之  
府店緱山乃周靈王太子子喬仙君飛昇之地也始創  
原廟賜號賓天時有前朝就爲觀額廟處仙山之末觀  
居緱嶺之阿殿堂房屋有四五百間受業之徒莫知其  
數屢經劫火焚蕩一空至乙巳年間得本里官民楊彈  
壓王彈壓及庄院人等具疏屈請本教道人楊德元住  
持此山以奉仙君爲祝聖祈祥之地屆于丙午蒙先師  
五祖真人法旨令德元與尊宿老大師李德甫引領徒  
和侯德寶等同來借楊德元住此啟修真陽化  
之途繼承師命賜德元紫衣明照大師號補作法師  
卽陞充保舉仍賜楊德元爲紫衣清和大師遷以法師  
之職迄六祖真人掌教劄差德元爲河南路提點舉師  
楊德元充執本路道錄職事仍就此山爲開教化人之  
所德元與楊德元同志協心經營起造躬持畚鍤親執  
斧斤開撥荆榛駢除瓦礫鳩工作址命匠掄材二三歲  
間方有倫序真聖之堂再葺仙君之廟更新廟廡潔齊  
齋廬成辦旣營廡庫乃建房廊內觀則丈室尊嚴外望  
則宮門整肅粵自結茅而立道至于築室以懇堂補故



作新奉真安衆既成其事上白元師乃告于王遽然獲  
旨鼎新革故改觀爲宮卽作賓之嘉名以先天之美號  
爰從癸始迄至于今在苒光陰垂三十載惟大道光亨  
於此日化仙君丕顯于茲辰聖師開聖教之端宗主嗣  
宗門之法諸功德主作成之力大福德人護法之功存  
歿之得道淨流新舊之運以法侶同成勝觀共結良緣  
又皆能竭力於教門孰不欲垂名於後世原聽宗師之  
法旨許令立石以紀元於是奉明命於師堂屬袁翁而  
作記旣聞教語寧敢拒違不辭迢遞之三千勉力馳驅  
于一月年今老朽得造神峯昔徒聞聖蹟之名今獲見  
之實河南都府西洛王畿故邑永安今同鞏縣四  
水灣環於帝里輩出碩儒羣山擁簇於仙巒宜招羽客  
北印隱映謾興千古之思嵩嶽崇高當致萬年之祝還  
來府店瞻望高崗茂林擁鬱於煙霄獨岫巍峩於星漢  
欲登山而禮敬乃取道以躋攀路傍之殊異百端草內  
之希奇萬狀蟠根出土宛然伏爪之虬怪石隱叢允若  
藏牙之虎雲霞映日猶存跨鶴之形容檜栢吟風尙擬  
吹笙之聲韻豁登絕頂快觀宏門入覲仙階欣瞻寶殿  
軒檻晃丹鉛之色簷楹爛金碧之光始被掃除石上之  
苔痕未沒纔經拂拭壁間之蝸涎猶存從此增修將還



舊觀想暮天黯淡月魄光搖玉石碑諒曉色矇矓露華  
冷浸琉璃瓦卓冠於靈源洞府尊居於天上人間百拜  
陞堂三熏致敬環觀四壁霓旌絳節擁鸞輿載觀兩廊  
錦襖繡衣乘寶輦金童侍几玉女捧香筭當時太子之  
尊榮無此日仙君之富貴億年不老萬古長春閱彼世  
凡寧無嚮慕還觀賓天之古觀煥然基構之新成堂宇  
翬飛門庭祀級會真殿裏三清之聖像巍然祖師堂中  
歷代之真容儼若信乎大道於是興行可不措辭以光  
昭代成寬乃喟然歎曰物待以顯爰有其時地非福地  
不足以充斯道之光人非高人不足以爲名山之主今  
也舉師乃光庭之芳裔法師實子雲之靈苗惟其於大  
道有緣故來與仙宮作宰粵從經始逮至於今由化度  
而成真證道者不知幾多人因救治而脫苦超生者難  
以數目計較其行則不爲不至言其功則不爲不多尙  
圖極力爲山惟恐功虧一簣不以斷酒戒色而便爲達  
道不以除邪治病而便望成真更期理事圓明方見性  
天豁落教後學每隨根器與小道不辯是非念流凡總  
總不齊且只得循循善誘但教會得當頭句認是崑山  
得寶入此道元微談之不盡是觀也前代以賓天爲號  
今朝以先天立名天與道本自同元賓與先中存深意



賓天者言太子之功德隆重可以作上帝之賓先天者  
言太子之神聖無方必能廣先天之道自是則太上之  
至德要道運日月以無窮仙君之聖德神功並乾坤而  
不替先天之號萬古不磨所憚者此道重興不從高位  
傍門小法相與混淆加以齋戒精嚴家風清肅異途殊  
俗絕物不群以致常流多生妻非其於正教故自無傷  
痛嗟末世天民不得聞斯妙義轉歸迷妄難免沉淪幸  
茲行教之高人深得太元之奧旨一流淨衆能守規繩  
不將物欲役心專以農桑爲務以茲存念道必能宏尚  
賴聖祖神靈仙君威顯充此道於國王長者有力檀施  
之人咸未授教河南緱山王子登仙爰立觀宇號曰賓  
天劫火洞然觀因以毀楊杜二公因而重起六祖孫君  
達於王庭以大道故先天其名夫此仙山真爲福地突  
然二峯聳於雲際萬株檜栢四季長青名山列峙圖書  
難成會真有圖賓天有記今此重新山蹤可繼皇矣斯  
道永劫綿綿真仙敷暢不可名言法侶精勤不違戒律  
紀世妖氛除民病疾不求施利不事祈禳瞻道之計惟  
務農桑質本真純不知修飭曉起夜眠籠衣糲食缺一  
爲其厲民今此正教不取諸人以道狗身至誠格物貪  
慾嗔癡斷無染着化人入道亦取自然不圖利養惟保



心堅修進罔愆自期輕舉復以勲勞超度元祖羽流修  
奉曉夕無忘香燈禮念習以爲常上爲君王祝嚴皇祚  
保乂邦家延長歷數鴻基鞏固聖壽無疆更爲黎庶集  
福延祥五穀豐登萬方寧救疫厲不生刀兵不起諸功  
德主大福德人宗門淨侶和協精勤若德興業旣大且  
久併勒堅珉永傳不朽大元國至正十五年歲次戊寅  
仲春二十二日本宮賜紫悟真大師法師兼知宮事黃  
成仙副宮韓成道同立石

億按碑記題稱洛京攷之史志河南府唐故名東京  
宋爲西京金爲中京元之建國未嘗以京名也

化多方如風偃草使萬姓樂唐虞之化群生歌堯舜  
之年方知否極泰來以顯神功聖德信心檀越協力賢  
徒雖功勞已在前文然姓名未能顯注敬當一一具載  
碑陰道不負人必垂昭報乃爲之銘曰

斯道之大方化之原先天先地元之又元二氣胚渾是  
爲太極杳杳冥冥宗於元一曰始曰元由茲立焉柔剛  
仁義相須以全是爲三才開物成務若禮與智從而宣  
布名之曰德用乃有爲法制巧僞皆本於是愈降愈下  
日漸不古隨波逐流莫知所主天理斲喪人欲孔張大  
哉至道日以淪亡救世度人恩惟太上深恐斯民終歸



迷妄乃爲宣演道德真經欲使末世復見和平人誦此經莫究其理修身齊家蒙然不一以之治國可底康寧至於天下道化復行其教簡易人皆莫識以致漂流胥及溺邈哉大聖篤念斯人復以大道授於劉君見素抱樸少思寡欲接物利生虛心實腹此乃修身之法兼存濟世之功立此大本人莫能充身苟能修誠因以至用無相之真機顯有爲之聖知至德及物至誠感神邪無不伏法無不靈以無爲而取神效非小道所可比倫以此名揚皎如星日化乃大行觀因以立繼祖效法曰張曰陳迄於四祖毛君其人五祖酈君大宏此道知德者或亦遷就書之與記既出於杜成寬案其自題畧云真大道門人崇道廣演大師休菴老人前進士然則成寬亦士流也元史釋老傳真大道教者始自金季道士劉德仁之所立碑云惟我祖師東嶽真人劉君生居滄州樂陵縣之北界劉君卽德仁也較史并得其里居之詳又傳言五傳而至酈希誠居燕城天寶宮見知憲宗始名其教曰真大道成寬號真大道門人殆由於此然案五傳之文証之於碑劉君付二祖大通真人陳君陳君付三祖純陽真人張君張君付四祖元陽真人毛君毛君付五祖太元真人酈君



皆史所不及賴此知其傳法所自也傳言其教以苦節危行爲要而不妄取於人不苟侈於己今碑云其教也本之以見素抱樸少思寡欲持之以虛心實腹安氣養神亦足與史文相證碑言七祖得法之後宣授統轄諸路賜願真體道真人名號據史言至元五年世祖命希誠徒孫德統轄諸路由是推之碑稱李君亦宣授統轄則其徒黨益盛史不悉載也又銘內六祖孫君達於王庭史稱孫德福卽其人至後題河南府路洛陽縣郊磨司巡檢司典史杜著百官志巡檢司巡檢未見以典史屬之此司又有河南府路永濟倉使杜簡百官志京師永濟倉至元四年置今亦於府路諸倉並有此名志尙未備錄余故爲著之也後又列主簿兼尉路德儒者志稱民少事簡之地則以簿絕尉絕字誤依碑作兼爲正



錄後

毓倬按邑金石文字二千年來風霜摧剝銷磨殆盡郡志所引寥寥攷古者每為悵惋邑進士武君億博學好古悉志搜羅於殘碣斷幢不惜兼金購之家中藏弄甚富余復屬韓生甲辰於南北兩山荒城幽窳披薜刈荆廣為訪搨以攷訂之役謹之武君案証確鑿論斷精覈多發明宋元來金石等書所未及共得八十餘種為金石錄二卷嗚乎鹿迹燐焰中僅存此什一於千百數百年後獻火礪角又未知所存幾何珍而惜之庶無負余與武君搜訂苦心也







